

TERTIA PARS

55

# CONSTITVTIONVM

F R A T R V M

DISCALCEATORVM

CONGREGATIONIS

SANCTI ELIAE

ORDINIS B. VIRGINIS MARIAE

DE MONTE CARMELO.



R O M Æ,

Ex Typographia Gulielmi Facciotti. MDCXI.

---

SVPERIORVM PERMISSV.

THE A. T. & T. CO.

COMMUNICATIONS SECTION

WASHINGTON, D. C.

DEPARTMENT OF COMMERCE

OFFICE OF THE SECRETARY

WASHINGTON, D. C.

RECEIVED

SEP 11 1917



SEP 11 1917

RECEIVED

SEP 11 1917

# TERTIA PARS

## CONSTITUTIONVM

### De Congregationis gubernatione.

#### Cap. I. De Capitulo Generali.



**T**ERTIO quoque anno à feria sexta ante Dominicam tertiam post Pascha inclusiue, vsque ad Dominicam quartam exclusiue, in Conuentu per Definitorium generale designato, qui à secula-

riũ strepitu, si fieri possit, remotus sit, Capitulum generale celebretur, ad quod præter gremiales, & Fratres Patrũ obsequio necessarios alij non accedant. Et vt omnibus Capituli tempus, & locus innotescat, & ijs, qui longius distant, in regnis præsertim remotioribus, accedendi tempus suppetat, ante præcedẽtis Capituli dissolutionem proximè futuri Capituli locus designetur.

Ferent ibi suffragia Pater Præpositus,

A a 2 tam

tam de nouo electus, quam officio functus, Definitores generales tam officio functi, quã recentere electi, Procurator generalis, Prouinciales, & eorum socij à quorum professione sex integri anni transierint; ex quibus si quis fuerit legitime impeditus, procuratorem pro se mittere non possit.

3 Eligi verò poterunt in Capitulo ex vniuersa Congregatione quicunque Sacerdotes professi, à iure, vel per nostras Constitutiones voce passiuâ non priuati, & qualitatibus, quæ proprijs locis notantur, affecti, præterquam semel à nobis expulsi, apostata, & qui à sententia Congregationis appellarunt, & alijs suis in locis indicati, & è Conuentibus studiorum, qui cursum nõdum perfecerunt, qui vsque ad annum à cursu finito expletum in aliquod officium eligi non poterunt, in Capitulo generali.

4 Prædicti omnes generale Capitulum componentes, sine vlla noua euocatione, ad destinatum diem, ad Conuentum designatum conueniant.

5 Quod ad confessus ordinem attinet, Præpositus recēter electus prima sede gaudebit, secunda Præpositus officio defunctus, tertia Definitores noui iuxta seriem electionum, quarta præcedentes Definitores iuxta seriem suarum electionum, quinta generalis Procurator, sexta Prouinciales  
pro



pro antiquitate suarum Prouinciarum, septima socij Prouincialium iuxta Prouinciarum antiquitatem. Et tam intra, quam extra Capitulum tempore, quo celebratur, in eo Conuentu sedebunt, & præsidentur ordine, quo in Capitulo sedent, sed gubernatio domus Priori relinquetur. In Capituli loco Praelati ad dexteram, socij vero ad sinistram Praepositi sedebunt.

*Cap. II. De precibus pro felici Capituli generalis exitu fundendis. Et de Capituli initio.*

**I**nstante iam Capituli celebratione, in Conuentibus totius Congregationis pro felici exitu preces enixe fundantur, ijs potissimum diebus, quibus Capitulum agitur. In singulis praeterea Fratrum Conuentibus Missa de spiritu sancto quotidie, exceptis Dominicis, & festis duplicibus, & litaniam, communiter dicatur, praeter ieiunia, verbera, & alia eius generis opera, quae a Fratribus pro communi bono sponte exerceri solent. Prudie vero quam Patres Capitulum ingrediantur locus modestè praeparatur.

2. Mane ipso incipiendi Capituli, in singulis Conuentibus Missa de spiritu sancto

canetur cum Litanis, & post horam ad initium Capituli præfixam, absentes ulterius non expectentur, dempto Reuerendo admodum Patre Præposito, qui expectandus erit per octo dies, si absens, vel infirmus fuerit, sed non ultra; & postquam Patres Capitulum constituentes sacrum priuatum singuli fecerint, solemni Missa etiam absoluta in Chorum omnes conueniant, aliquantumque ibi orando quiescant. Deinde signo Capituli dato, è Choro Hymnum Veni creator Spiritus canentes Capituli locum ingrediantur. Quo simul ac peruenerint, coram effigie Christi Crucifixi genua flectant, Præsesque subiungat Orationem Deus qui corda fidelium, & Actiones nostras, derque statim surgendæ signum, & omnes ordine præscripto sedent, sedatis animis primum actum in Domino incepturi.

3. Primum igitur Præpositus, seu Præsident, & Definidores generales Secretarium Capituli è Patribus eiusdem Capituli eligant per vota secreta, deinde Præpositus, seu Præsident, ac Definidores ipsi sociorum litteras scrutabuntur, & an Canonice fuerint electi explorabunt.

4. Mox Præpositus, seu Præsident præcipiat in scriptis omnibus suffragaturis, ut si quis aliquem è presentibus ferendi suffragij iure carere nouerit, antequam ad electionem

nem

nem procedatur, id aperiat, & Definitorium, antequam electiones fieri incipiant, rem definiat, ne tempus electionibus præfixum prærogetur.

5. Deinde ex Constitutionibus nostris capita duo, scilicet de Præpositi electione, ac de eius officio, attente legantur, ne quid memoria excidat; peractaque lectione Præpositus, seu Præses, vel cui rem ille commiserit, condicionem habeat de bona electione facienda, & rei gravitatem sine ullius nomine expresso, vel etiam subinducato ponderet.

6. His absolutis, Præses proximum diem ad Præpositum, ac Definitores generales eligendos designabit, hortabiturque suffragaturos, ut rerum aliarum cura deposita, quod reliquum est temporis usque ad electionem orationi vacent, ac eligendorum mores considerent, ut sanctius in tanti ponderis actu se getant. Quo verò opus hoc, ceteraque huic proxima quietius fiant, Præpositus, seu Præsidens exitum è Claustro ad quæcunque negotia Patribus Capituli generalis prohibeat, donec actus eiusdem Capituli sint absoluti.

## Capitulum I. De Præpositi electione.

**P**rimo mane diei sequentis ad Præpositi-  
 orum eligendum præfixi electores singu-  
 li Sacrum de Spiritu sancto faciant, & Missa  
 Solemnis de eodem Spiritu sancto interea  
 cantetur ad Dominum pro bono electionis  
 exitu deprecandum.

His expletis, omnes in Chorum con-  
 ueniant, ac signo campanule dato, annuen-  
 te Præfide, Hymnum Veni Creator Spiritus  
 concinentes, in Capituli locum procedant,  
 ubi per horam dimidiam in oratione quie-  
 scant, qua peracta Præfides subdat Antipho-  
 nam Subituum præsidium, & Orationem,  
 Deus qui corda fidelium, moxq; (in Choro,  
 vel Oratorio Fratibus Monasterij omnibus  
 inter orationem vacantibus) Patres sedeant.  
 ubi, & Exclusis deinde, si qui fuerint, voce  
 carentibus, qui post Præpositum, vel Præ-  
 sidentem primus sedet, illum ad cautelam  
 ab omni absoluat censura, & in irregulari-  
 tate dispense: idemque Præpositus, vel  
 Præsidentis erga Patres Capituli omnes fa-  
 ciat, ut electiones Canonice fiant, in hæc ver-  
 ba, Auctoritate, quæ ad hunc actum mihi  
 competit, absoluo vos ab omni censura, &  
 vobiscum in irregularitate dispenso, In no-  
 mine Patris, & Filij, & Spiritus sancti.

¶

¶

Eligi

4. Eligi poterit Præpositus non ex præsentibus tantum, sed ex vniuersa Congregatione, quicumque maxime idoneus, in quo nullus sit ex defectibus cap. 1. huius tertie partis enumeratis. Si vero Præpositus eligatur ex Provincialibus, vel alias aliquod officium, vel Prælationem habeat, eo ipso vacent illa omnia, nec possit illa habere simul.

5. At præterea eligi non poterit, qui sexennium à suscepto Sacerdotij ordine, & decennium ab emissâ professione in nostra Discalceatorum Religione, quadragesimūq; ætatis annum non compleuerit, & qui ob aduersam valetudinem ab esu carniū abstinere, & Chori, ac Refectorij actibus ordinariè interesse nequiuert, nisi ætatis, ac valetudinis defectus singulari prudentia, & vitæ sanctitate compensetur.

6. Ut autem tam hæc Præpositi electio, quam ceterorum, qui sunt in generali Capitulo eligendi, purior sit, in virtute Spiritus sancti, & sanctæ obedientie, & sub præcepto omnibus electoribus præcipimus, ut unusquisque illorum tam in hac, quam in omni alia electione in Capitulo generali per secreta suffragia facienda, suffragium ferat pro eo vno, quem unicuique officio coram Deo iudicauerit magis idoneum, ac neget suffragium ei, quem nouerit directè, vel indirectè, per se, aut per alium prætere in præ-

prædicto generali Capitulo ad aliquam Prælationem, vel officium promoueri.

7. Patres ergo statim ad Præpositi electionem procedant, ferantque suffragia, iuxta modum cap. 7. præscriptum, & Præpositus, vel (eo absente) qui præsidet, duoque antiquiores Definidores, modo in prædicto capite præfixo, suffragia scrutabuntur.

8. Post scrutinium suffragiorum, statim ac electio Canonica facta est, publicetur. Facta verò publicatione, si Præpositus receptor electus adsit, qui primus post illū sedet, eum statim confirmet in hanc formam: Ego N. nomine meo, & omnium aliorum, qui mecum consentiunt, eligo, & confirmo te in Præpositum generalem nostræ Congregationis in nomine Patris, & Filii, & Spiritus sancti. Ille verò (sicut & vniuersi, qui ad Prælationes, & officia in quolibet Capitulo Congregationis eliguntur) onus impositum Dei auxilio fretus sine vlla repugnantia accipiat, & ferat.

9. Mox pro gratiarum actione Hymnus Te Deum cantetur, Præpositusq; in Ecclesiam, aut Chorum deducatur, ubi eius manus singuli genibus flexis suppliciter osculantes, eius obedientiæ se tradent, iuxta modum in Manuali præscriptum.

10. Si verò Præpositus absit, per octidies à datis litteris computandos, expedietur

tur; si maior Capituli pars intra id tempus accedere posse iudicet, obseruato iter agendi modo, qui deceat nostrum institutum, quo in euentu statim per litteras moneatur, & interim a Capituli celebratione Patres abstineant. Quod si inaior pars censcat predicto modo iter faciendi accedere non posse, non expectetur, sed statim ipsa die, vel proxima sequenti ad reliquos Capituli actus procedatur. Similiter si quacumque de causa, etiam si intra dies octo posset accedere, non accedat, dictis octo diebus elapsis ad reliquos Capituli actus procedatur.

*Cap. I I I I. De electione Definitorum  
generatium, & Procuratoris  
generalis.*

**P**Ræses antequam electores conuocari faciat, temporis aliquantum assignabit ut Deum orare, collatisque rationibus, apud se vnusquisque deliberare possit, cui pacata conscientia, debeat suffragari, & simul ac tempus aduenerit, in Capituli locum conueniant.

2 Deligentur ex vniuersa Congregatione idonei quicumque, nullo defectu cap. i. deli-

designatorum effecti inhabiles, qui sint prudentia, & boni communis zelo insignes, & annum ætatis trigessimum expleverint, & à professione septimum attigerint. Eligentur vero singuli seorsim ordine servato. Si vero eligantur ex Prouincialibus, vel alias sint Definitorum prouinciales, siue Priores, vel aliud officium habeant, eo ipso vacent illa omnia, nec possint illa simul habere.

3. Precipimus autem, ne præter duos ex ijs, qui proximo triennio integro, scilicet electi in Capitulo generali præcedenti Definitorum officio defuncti sunt, in idem officium resumantur. Si quis autem ex Definitoribus de nouo electis, durante Capitulo moriatur, Definitor alius à Capitulo ex tota Congregatione eligatur, ultimo inter alios Definitorum loco sedurus. Si verò is, aut alius quicumque Definitor ex recenter electis absit, ex Definitoribus officio functis, & alijs in eo loco suffragia ferentibus eligatur à reliquis Definitoribus tantum, qui absentis vices gerat, qui tamen inter Definidores præsentem, ordine obseruato postremus erit. Si autem ob mortem, vel absentiam, vel aliã quamcunque causam eligantur plures ad Definitorum numerum supplendum, semper Definidores proprii præsentem loco præcedet substitutos; qui pro antiquitate eorum, quibus substituuntur, sedebunt post præ-

-110-

sen-



Sentes Definitorum .

4 Præpositus, si adfuerit, si minus, qui præsidet, duoq; antiquiores Definitorum suffragia scrutabuntur iuxta modum in cap. 7. præfixum; & Præses electos Definitorum statim confirmabit.

5 Primus Definitor à Capitulo generali primo loco electus, sit eo ipso Præpositi Vicarius generalis, siue ob mortem Præpositi, siue ob mortem Præpositi, siue ob absentiam ab Italia, siue ob infirmitatem ita grauem, ut cū Præpositus negotia agere nō possit, curā Cōgregationis ipsi primo Definitori cōmittat. Similiter ob aliam, quā depositionis, suspensionis, aut renunciationis causam.

6 Vicarius, qui est primus Definitor generalis, non poterit alium Vicarium eligere, sed secundus Definitor succedet, & successiue tertius, & quartus. Quod si primus Definitor obierit viuentem Præposito, secundus loco ipsius succedet, ac similiter ceteri etiam in officium Vicarij generalis.

7 Si mortuo Præposito primus quoque Definitor sex mensibus ante Capitulum generale moriatur, secundus, tertius, & quartus, successiue Congregationi præsideant. Si verò primi Definitoris mors ultra sex menses ante Capitulum contingat, Definitor, qui præsidet, conuocet Patres septem eo modo, qui in sequenti numero explicatur.

Si

8 Si Præpositus renunciât intra tempus Capituli generalis, ad Capitulum generale pertineat renunciationem acceptare, cum maiori suffragiorum parte, & alium eligere. Si vero extra Capituli generalis tempus renunciet, ad Definitorium generale pertinebit renunciationem admittere, cum tribus è quatuor suffragiorum partibus. Et tunc, si acceptetur renunciatio, Definitorium generale conuocabit Procuratorem generalem, & tot Prouinciales ex ijs, qui primo loco sedent in Capitulo generali, & morantur in Italia, quot sufficiant ad numerum septenarium explendum: ijs verò deficientibus, siue infirmis, siue absentibus ab Italia, siue venire nolentibus, eligantur ab ijs, qui ad sunt congregari, tot ex Prioribus antiquioribus Italia, quot sufficiant ad prædictum numerum implendum. Qui septem Patres eligant Vicarium generalem Congregationi præfuturum, vsque ad Capitulum generale. Quod idem dicimus si mortuo Præposito primus Definitor renunciet officio Vicarij generalis.

9 Eligetur Procurator generalis sedulus, ac prudens ad totius Congregationis gerenda negotia, qui sex à professione annos, & triginta ætatis expleuerit, qui singularem missionum curam gerat. Si vero Procurator generalis eligatur ex Prouincialibus

bus, vel aliud quoduis officium habeat, eo ipso vacent similiter.

10 Præpositus, Definitorumque generales, ac Procurator generalis, quando eorum officia expirant, nec in aliud officium eliguntur in Capitulo generali, eo ipso, habent vocem in Prouincijs suis, vbi habent filiationē, ac proinde ibi poterūt eligi sicut alij.

### Cap. V. De Constitutionibus, & Ordinationibus.

**H**is electionibus absolutis, de Constitutionibus, & Ordinationibus (si quæ statuendæ sint) statim agatur. Interroget autem Capituli Præses, antequam de statutis agere incipiat, an aliquid mali extirpandum sit, vel aliquid boni Congregationi defuit: vt ex leges condantur, quæ bono Congregationis necessaria videbuntur.

2 Declaramus ergo primū, nullam seu Constitutionem, seu Ordinationem, seu Prælatorum præcepta, nisi scripta sub hac verborum forma: In virtute Spiritus sancti, & sanctæ obedientiæ, & sub præcepto, vel sub pœnæ excommunicationis latæ sententiæ ad nullam culpam obligare. Prælati autem amore potius boni, quam pœnæ timore subditos ad legum obseruationem inducentes,

raro

raro admodum eiusmodi præceptis, ac censuris vtantur. Quod vt rarius, ac prudentius fiat, decernimus, vt Præpositus præceptum eiusmodi, aut censuram toti Congregationi imponere nequeat, nisi vna cum Capitulo generali, aut extra Capitulum, vna cum Definitoribus, quando designatis temporibus congregantur, re prius tam in Capitulo, quam in Definitorio respectiue collata, & per suffragia decisa. Ac ita, si maior pars suffragiorum præceptum, aut censuram ferri debere censeat, ferantur. Si maior pars refragetur, ferri non possint, & ab omnibus irrita iudicentur.

In his ergo Capitulis, cum expedire visum fuerit, bifariam leges condentur, aut enim ferentur ad tempus, per experimenta probandæ, & hæ Ordinationes appellantur, quæ possunt esse præter, aut contra Constitutionem aliquam, quæ meliore consilio mutanda videatur: quæ, vt obseruari incipiunt, Capitulo proponendæ sunt, & tribus, & quatuor suffragiorum partibus approbandæ. Quod si ab vno in aliud Capitulum durent, sed ibi non confirmantur, eo ipso deficient. Præcepta quoque à Capitulo, & Definitorio imposita, quæ in corpus Constitutionum redacta non sunt, nisi in sequenti Capitulo confirmantur, nolumus ultra id tempus extendi. Similiter præcepta alia,

quo-

quorumcunque Superiorum parti cuilibet Congregationis, Prouinciæ, aut Conuentui, vel alicui Religioso imposita in proximo Capitulo prouinciali, vel generali expirent; In prouinciali quidē si à Superioribus Prouinciæ imposita sint, in generali verò si à Præposito generali, Vicario generali, vel Præsidente Congregationis imponantur.

4. Leges verò, quæ in Capitulo feruntur, perpetuò obseruandæ, Cōstitutiones appellantur, ad quarum custodiam Superiores debent exemplo, & hortatu esse solliciti, sub seueræ punitionis pœna, vsque ad depositionem ab officijs, si ob notabilem illorum negligentiam illarum custodia tepescat.

5. Quia vero ad custodiam legum plurimum confert, quæ sanciantur, & pauca, & stabilia esse, sicut è contrario legum multitudo, & inconstantia obseruationem labefactant, & bono communi vehementer nocent (habet enim legis mutatio detrimentum, & quoddam communis salutis, quia tollitur consuetudo, quæ ad custodiam legum plurimum valet) propterea decernimus, ut nullibi, nisi in Capitulo generali vlla Cōstitutio condi possit. Neque verò tunc, nisi per sexennium saltem, tanquam Ordinatio multis experimentis probata fuerit, & denique vt Constitutionibus inferatur, tribus & quatuor suffragiorum partibus approbetur.

Quod idem dicimus de Declarationibus ,  
quæ vim Constitutionum habere debent .

6 Nulla præterea Constitutio abrogari  
possit, nisi euidens sit vtilitas , ob quam ab  
ab eo, quod æquum diù visum est , maturo  
consilio recedatur ; & nisi ad eam abrogan-  
dam , vel mutandam, tres è quatuor suffra-  
giorum partibus concurrant .

7 Si autem quippiam instet, cui omninò  
à Superioribus prouideri necesse sit, Consti-  
tutionibus intactis , prouideatur primùm  
per Instructiones; mox per simplices Decla-  
rationes , quæ vim Constitutionum non ha-  
bent cum maiori suffragiorum parte; deinde  
per Ordinationes , quæ in quouis generali  
Capitulo condi possunt cum tribus è qua-  
tuor partibus suffragiorum .

8 Nequa vero de suffragiorum partibus  
oriatur contentio, cum in numeros æquales  
diuidi non possunt; declaramus, si fortè con-  
tigerit decem , vel vndecim esse suffragia ,  
quartam partem duobus tantum suffragijs  
constare : ac ad huius numeri proportionē  
ceteros esse supputandos , cum tres è qua-  
tuor suffragiorum partibus Constitutio re-  
quirat, ita vt cum numerus scindi nequit to-  
tus in quartas , suffragia, quæ supersunt ab  
eo in quatuor partes equaliter diuiso, annu-  
merentur tribus suffragiorum partibus .

9 Sint duo libri ad Constitutiones, quæ  
con-

conduntur in Capitulis generalibus scribendas, & vnus Genuæ, alter Romæ in archiujs seruetur. E quibus alter, quem Præpositus designauerit, in generale Capitulum afferatur, & nouæ Constitutiones (siquæ ferentur) in eo scribantur, cum Præpositi, ac Definitorum subscriptione.

10 Declarationes, & Ordinationes seorsum in alijs duobus libris scribantur cum, Præpositi, ac Definitorum subscriptione, & originalia Genuæ, ac Romæ seruentur, vt de libris Constitutionum assertum est. Declarationum autem, & Ordinationum exempla à Secretario subscripta Prouinciales in suas Prouincias ferant. Acta quoque Definitorij generalis, & prouincialis ad mores attinentia ad Prouincias, & Conuentus mittantur.

11 Erit quoque liber alius, in quo scribantur Decreta Definitorij, à Præposito, primo Definitori, ac Secretario subscripta.

12 Quia verò interdum contingit, leges Deo acceptas, alicui minus probari, quod earum rationes non bene capiat, ne quis fortè ob id commoueat, præcipimus, vt nulli extraneo, nisi raro, & ex Prioris venia, primique Discreti consilio, ostendantur, sub media pœna transgressori infligenda.

*Cap. VI. De alijs actibus Capitulo  
reseruatis.*

1 **C**onstitutionibus, seu Ordinationibus in Capitulo conditis, negotia seruata confestim expediantur. Et in primis agatur de missionibus cœptis alendis, & nouis tentandis.

2 Omnes electiones, quæ interim, dum Capitulum generale celebratur, occurrunt, excepta ea, qua aliquis pro Definitoribus absente sufficitur, ad totum Capitulum generale pertineant.

3 Legantur epistolæ Capitulo generali directæ, quæ alibi quam in Capitulo aperiri non possint; quemadmodum quæ Definitorio mittuntur, alibi quam in ipso Definitorio legi non possunt.

4 Agatur, si opus sit, de institutione, vel diuisione Prouinciarum, vel de distinctione, vnione, ampliacione, restrictioneq; illarum. Prefigatur etiam numerus Conuentuum, qui vsque ad proximum Capitulum, in vnaquaque Prouincia recipi poterunt, expenso idoneorum Fratrum numero in eos distribuendo.

5 Denique alia quæcumq; Capitulo quouis



uis modo referuatā ; & omnia alia eidem ,  
Capitulo bene visa pro suprema sua potestate ,  
quam in Congregatione habet, quoad  
fieri poterit, hoc loco absoluantur ; & vt  
de negotijs grauibz Patres deliberent, tem-  
poris aliquantum concedatur, vt res singu-  
las præmeditari valeant .

6 Cum autem contigerit Capitulum  
generale ob singulares causas extra tēpora  
solita celebrari, de Constitutionibus, & Or-  
dinationibus nihil tunc agatur, & officia in-  
tacta permaneant.

### *Cap. VII. De ratione ferendi suffragia.*

**T**Am electiones, quam alia quæcūque,  
tam in Capitulis generalibus, & pro-  
uincialibus, & conuentualibus, quam in  
Definitorijs, per secreta suffragia fiant: ita  
tamen, vt si omnes Definitores generales  
per litteras consentiant, possint res aliqua  
faciliores ad Definitorium generale per-  
tinentes, à Præposito, ac Definitoribus de-  
cidi .

2 Cum ex Conc. Trid. Superiorum ele-  
ctiones per secreta suffragia fieri debeant,  
ad eò vt electorum nomina nunquam publi-  
centur, præcipimus, vt nullus suffragium ,

quod pro aliquo fert , alicui ostendat , omnesque in eo actu secreti ius strictè custodiant , sub pœna priuationis vocis , & loci ipso facto incurrenda .

3 Ut autem secretius suffragia ferantur, modus hic descriptus seruetur , Præses Capituli designet duos è Conuentu fidos secreti custodes ; qui Patribus iam confidentibus, intra, vel propè Capituli locum, à Patribus, & à se ipsis mutuò ita separati sint, vt quid alter agat , nec à Patribus, neque ab altero possit cognosci .

4 Quibus in virtute Spiritus sancti , & sanctæ obedientiæ, & sub præcepto præcipimus , vt nemo illorum dicat , quisnam electorum talia nomina postulauerit, aut etiam talia non petierit.

5 Omnibus igitur electoribus confidentibus surgat Præses, & dignior post ipsum, & singuli adeant vnum ex duobus illis Fratribus, & ab eo duo, vel tria nomina illorum, qui vulgò putantur eligendi, deposcant ; ex quibus eligant vnum, quem maluerint ; statimque in Capituli locum ferendis suffragijs præparatum, redeant, & coram omnibus in vas ad hoc paratum suffragium injiciant, schedulasque superfluas secum retineant, & fedeant. Statim verò ac illi redierint , loco illis proximi ; idem facturi exurgant, & sic ceteri ordinate suffragentur. Confestim.

Ca-

Capituli Præsident, ac duo, qui ei proximi sedent, suffragia publicè scrutabuntur; ita ut nomina in singulis schedulis scripta aperte legant, & à suffragatoribus audiantur, quod in omni Congregationis Capitulo, & Definitorio, dum suffragia feruntur, observandum est.

6 Siquis ergo prima vice suffragia plura solus, quam omnes alij simul habere inuentus fuerit, erit canonicè electus, statimque publicabitur. Si verò nullus prima vice plura ceteris omnibus habeat, iterum suffragia ferentur. Si autem neque secunda vice vnus plura, quam reliqui omnes habuerit, ex ijs qui ea vice plura habuerunt, scrutatores designabunt duos, qui plura quam alij suffragia habuerint; & inter æquales habentes, professione antiquiores, & inter professione, & suffragijs æquales, ætate maiores; è quibus à toto Capitulo vnus eligetur in hunc modum.

7 Affigentur schedulæ duæ (in quibus sint scripta illorum duorum nomina) vasis duobus, alterum inquam nomen vni vasi, alterum alteri, ita ut à suffragatoribus aperte videri, ac legi possint; & qui huic, vel illi suffragari voluerit, calculum album in vas eius mittet, nigrum vero in vas alterum, vbi est scriptum nomen eius, cui refragatur.

8 Ex his ergo duobus, qui hac tertia vi-

ce habuerit plura suffragia, quam alter, erit  
canonice electus. Si verò vterque habeat  
æqualia, electus manebit, qui est professione  
antiquior: si tamen sint professione pares,  
manebit electus, qui est ætate prouectior,  
& statim publicabitur: quod etiam in qua-  
uis alia electione seruetur.

¶ Dum in quolibet Congregationis Capitulo non per schedulas, sed per solos calculos albos, & nigros suffragia feruntur, si in casibus per Constitutiones non expressis prima, & secunda vice æqualia sint suffragia, tota suffragatio remittetur solis quinque Patribus, & si quinque non suppetant, tribus primo loco sedentibus, qui per maiorem partem suffragiorum rem decidant.

Si qua verò controuersia circa suffragia orta fuerit, scrutatores, ac Definitores reliqui maiori suffragiorum parte illam definiunt, quorum decisioni omnes obediunt, sub pœna priuationis ab officijs, vocis etiã, & loci per tres annos ipso facto incurrenda. Si verò dubia circa alias materias oriatur, eorum decisio ad totum Capitulum pertinebit per maiorem partem suffragiorum.

*Cap. VIII. De Capituli fine, ac electionum confirmatione.*

**P**Eractis vniuersis electionibus, Præses scriptum edat præceptum, vt intra viginti quatuor horarum spatium, ad illum Capituli Patres deferant, si in recenter electis aliquod impedimentum canonicum, vel à nostris Cõstitutionibus ortum cognouerint, propter quod non confirmari meruerint. Si verò de aliquo culpæ huiusmodi pœna plectendæ legitimè probentur, minimè confirmetur, sed alius in eius locum eligatur.

**2** Ij tamen, quibus nulla obiecta fuerit exceptio, per suffragia secreta in Definitorio ad confirmationem approbentur, & confestim Præses confirmationem pronunciet iuxta formam cap. 3. nu. 8. præscriptam. Statimque omnes Capituli Patres professionem Fidei à Concilio Tridentino præscriptam, faciant.

**3** Post hæc Præses Capituli Fratres ad legum custodiam, & exemplum subditorum horrabitur, & plenariam eis Indulgentiam, & ab omni Ecclesiastica censura vi priuilegiorum absolutionem concedet, priuilegiaque omnia omnium Religionum acceptabit,

1000

in

in his, quæ Regulæ, aut Constitutionibus nostris non opponuntur, & ultimam Capitulum manum imponet. Tunc Patres se mutuò amanter amplectentur in loca, quæ illis obtigerint, Apostolico more paulò post discessuri.

*Cap. IX. De Visitatione Præpositi,  
& Definitorum, & Procuratoris generalis.*

1 **A**bsoluto Capitulo Præpositus, & Definitores, qui ad negotia expedienda, tanquam Capituli totius appendix, remanent, Secretarium Definitorij primum eligent.

2 Deinde antequam Capitulares discedant, præcedentium Præpositi, ac Definitorum, & Procuratoris generalis culpas (si quæ fuerint) inquirent in hunc modum.

3 Præpositus recenter electus, ac duo Definitores antiquiores, qui proximo triennio Definitores non fuerint, hanc visitationem efficient. Si verò Præpositus absit, tres antiquiores Definitores, è quibus nullus proximo triennio Definitor fuerit, (quorum primus Præpositi ad eam inquisitionem vices gerat) de Præpositi, ac Definitorum, & Procuratoris generalis præcedentium culpis inquirent.

Quod

4 Quod si tres Definidores noui non ad-  
sint, exclusis, qui è proximo triennio resum-  
pti sunt, Procurator generalis, si recenter in  
id officium assumptus sit, & antiquiores Pa-  
tres alij, ad numerum trium visitantium,  
implendum ordine seruato subintrabunt.

5 Expleto ergo numero, vt omnia re-  
ctius fiant, Visitatores scriptum præceptum  
Capituli Patribus imponent, vt intra præ-  
scriptum ab eis tempus, siquid norunt, de-  
ferant, aut se nihil nosse coram eis affirmet,  
correctionemque, aut pœnam ijs, qui eam,  
meruerint inferent: ita tamen vt si pœnam,  
Definitorio reseruata meruerint, alij duo  
Patres loco antiquiores adiungantur, qui  
Definitorium plenum constituentes causam  
decidant.

6 Quando Præpositus è Definitore, vel  
Procuratore generali assumitur, culpæ illius  
non inquirantur, sed Definidores inter se  
conferent, de quibus illum admonere de-  
beant, ex ijs, quæ ipsi viderint, & audierint,  
& ei admonitionem scriptam legendam, &  
ponderandam in Definitorio reuerenter  
tradent.

7 Cum autem de quouis Definitore fiet  
inquisitio, si is priuationis officij, aut etiam  
seuerioris pœnæ reus fuerit, opinione duo-  
rum è tribus visitantibus, duo alij ex Capi-  
tulo post illos proximè sedentes secreto vo-  
cen-

centur , & per suffragia maioris partis, pœnam, quam meruerit , imponant .

8 Denique Definitores residua negotia expedient .

*Cap. X. De officio , & auctoritate  
Præpositi .*

1 **C**ongregatio nostra ab vno duntaxat Superiore gubernetur, qui Congregationis Præpositus generalis appellabitur . Qui in Capitulo generali eligitur, ac triennio tantum durabit; nec reelegi poterit ad triennium immediatum , officioque fungetur vsque ad electionem noui Præpositi , vel eo absente, vsque ad electionem primi Definitoris generalis .

2 Habebit auctoritatem omnem , quæ siue ex iure, siue ex priuilegijs totius Ordinis nostri Generali conceditur . Poteritque socium sibi eligere , quem maluerit; qui tamen nec in Conuentibus, neque in prouincialibus, neque in generalibus Capitulis poterit ferre suffragium .

3 Semel in triennio Congregationem visitabit . At ex vrgenti causa , alicui Vicario visitationem vnius, vel plurium Conuentuum, vel etiam alicuius Prouinciæ committere poterit . Prescribetque illi auctoritatem,



tatem, qua functurus est; quemadmodum ei videbitur expedire.

4 Poterit Præpositus per se solum negotia omnia Capitulo generali, vel Definitorio generali, vel Capitulo prouinciali, ac Definitorio prouinciali non reſeruata expedire; & culpas omnes vsque ad grauiorem incluſiue punire.

5 In ijs, quæ ad gubernationem in Declarationibus deſcriptam ſpectant, Præpoſitus, etiam cum Definitorum generalium conſenſu, vel ſuffragijs diſpensare non valeat. In ijs verò, quæ ad mores attinent, neque per Conſtitutiones ei prohibentur, poterit diſpensare. At hoc ex iuſta cauſa, raroque efficiet. Qua in re ſi deliquerit in Capitulo generali grauius puniatur.

6 In euentibus alijs non frequenter occurrentibus, tam à Præpoſito, quàm ab alijs quibuſuis Superioribus lex ad planiorem verborum ſenſum ſeruetur; niſi conſtet eius obſeruationem aliquando tendere contra id bonum, ad quod ea lex condita fuerit. Tunc enim duntaxat epicheiæ, ſeu æquitati locus eſt. Si autem dubium oriatur an contra legis mentem obſeruatione tendat, & an æquitati locus ſit; eo ipſo, vel ad Superiorem recurratur, vel ad verbum lex ſeruetur.

*Cap. XI. De officio Definitorum  
generalium.*

**V**T Præpositus Congregationem prudentius moderari possit, quatuor Definitores, viros prudentia, experientia, doctrina, & sanctitate præstantes adiutores habebit, qui ei de Congregationis gubernatione consulere, ac vniuersim de omni re bono communi opportuna, prudenter illum admonere, & ne laboribus, & curis conficiatur, aut medium virtutis excedat, curam gerere valeant. Quibus in rebus etiam non rogati ex officio Præpositum hortari debent, cum id eis ratio, charitasque suggesserit. Horum opera, & consilio libenter utatur Præpositus, & ab eorum sententia ne facile discedat.

2 Definitorum generalium officium, triennium durabit, quousque noui Definitores generales creentur, & quamdiu Capitulum, & Definitorium celebratur, Patres ij vocabuntur Definitores, & Præposito proximi assidebunt; extra Capitulum vero, & Definitorium, post eius Monasterij, in quo morantur, Priorem, & ante Procuratorem generalem ibi forte degentem sedebunt, neque Definitores ibi appellabuntur. Habebuntq;

buntq; auctoritatem in foro conscientia parem ei, quam habent Priores, & quamlibet aliam, quæ per priuilegia eis est concessa.

3 In omnibus autem locis, ubi Prior abfuerit, præsidebunt; culpaſque in Capitulo, & Refectorio, abſente Priore, corripient: & vtrobique exhortationem facient, ſi fuerint Conuentuales.

4 In eo loco, ubi quis Definitor generalis morabitur, enitetur in communis vitæ actibus bonum exemplum alijs præbere: in quo ſi defecerit, Prior illum reuerenter, & comiter ſecretò admoneat: & ſi nihil ſe prodeſſe viderit, aut ſperauerit, Præpoſitum certiore faciat, à quo de aliorum Definitorum generalium conſenſu, uſque ad depoſitionem ab officio is Definitor puniatur.

5 Definitores generales ſine Præpoſiti, aliorumvè Prælatorum ſcitu litteras ad quæuis Religioſum, vel ſecularem dare, & ab eis accipere poterunt: & ſimiliter quilibet è noſtris Fratribus ad quemuis Definitorum generalem quouis tempore litteras dare, & ab eo accipere valebit. Quamobrem tam Præpoſitus, quam Definitores generales ſigillis proprijs vtentur.

6 Sigillum Præpoſiti ſit imago Beatiffimæ Virginis, cum effigie dulciſſimi Ieſu ad læuam, dextera Virginis porrecta ſuper ſcutum Ordinis. Ad epistoſas vero vtatur ſigillo

gillo Ordinis cum inscriptione Præpositus generalis &c. Definitorum verò generalium sit scutum idem cum inscriptione Definitor. Procurator generalis idem scutum cum inscriptione Procurator generalis. Prouincialis sigillum ad Patentes fiat cum imagine Sancti Titularis Prouincię, & cum inscriptione Prouincialis prouincię &c. Ad epistolas vero sigillum Ordinis cum inscriptione Prouincialis &c. Prioris sigillum sit scutum Ordinis, cum inscriptione Prior Conuentus &c.

*Cap. XII. De Definitorio generali, & eius auctoritate.*

**1** **E**X Præposito, & quatuor Definitoribus generalibus componitur inter nos Definitorium generale, quod post Capitulum generale primam in Congregatione auctoritatem habeat; quam etiam P. Præposito vniuersaliter committere nō possit, nisi pro alijs regnis extra Italiam cum ad illa pergit; bene tamen ad aliquem specialem euentum.

**2** Ad Definitorium generale spectat decidere dubia circa Ordinarium, Manuale, Instructiones, & Formularium; & si expedire videbitur, aliqua etiam in ijs mutare,

di

diminuere, vel addere. Renunciationem alicuius officij, in quod à Capitulo generali aliquis eligitur, admittere etiam Capitulo generali durante, aut in idem officium vacans extra Capitulum aliquod, quousque Capitulum celebretur, suffraganeus, qui, si fuerit Definitor, ultimum inter alios locum, habebit. Nouum quoque Definitorum eligere, cum per mortem Prepositi generalis primus Definitor est Vicarius generalis. Renunciationem Prepositi generalis extra Capitulum generale admittere cum tribus & quatuor partibus suffragiorum, nam intra Capitulum ad maiorem eiusdem Capituli partem pertinet. Renunciationem quoque Prouincialium acceptare, quando illa faciunt extra Capitulum prouinciale. Eligere, & admittere. Conuentus, quorum numerus à Capitulo generali prescriptus fuit. Ante triennium expletum ob causam urgentem, Capitulum generale conuocare. Missiones ad infideles facere, Ius patronatus concedere. Fundationes Monialium admittere, vel deferere, aut ab uno loco in alium earum Monasteria etiam intra idem oppidum transferre. Monialesque in casibus à iure permissis ab uno Monasterio in aliud mutare. Fenestras, tribunas, & portas ad Monasteria Fratrum, vel Monialium etiam ad tempus permittere. Ab officio Definitorum ali-

C c quem

quem generalem, Prouincialem, Procuratorem generalem deponere, vel suspendere. Bona mobilia, vel immobilia notabilis pretij ab vno in aliud Monasterium transferre de consensu Conuentus. Cum vno, aut pluribus Conuentibus in ijs, quæ ad mores attinent, vltra tres menses dispensare, & alia, quæ in Constitutionibus diuersis in locis Definitorio generali reseruantur. Ad singula verò ex dictis decidenda Definitorij generalis partem maiorem per secreta suffragia concurrere volumus, nisi in aliquo casu maior numerus suffragiorum à Constitutionibus requiratur.

3. Ad hæc decidenda inspecto Congregationis statu, & horum casuum probabili euentu, Capitulum generale de triennio in triennium decernet, quoties Definitores generales congregandi sint, quod vt facilius fiat, in Conuentibus sibi inuicem, & Præposito vicinioribus, quoad fieri possit, morabuntur. Poterit autem Præpositus vltra tempora à Capitulo determinata Definitorium congregare, quoties in Domino iudicauerit expedire. Postulantibus autem tribus è quatuor Definitoribus, inter quos sit primus, illud teneatur conuocare. Quod si non fecerit, Definitores generales congregentur, si ita communi bono expedire iudicauerint; & si Præpositus, aut aliquis Definitor generalis

ralis interesse noluerit, Procurator generalis subintrabit, & simul cum alijs Definitoribus eligent ex dignioribus alios, qui pro absentibus subintrent, qui ultimo loco sedebunt. Ijs verò deficientibus, aut ex quacumque causa impeditis, seu venire recusantibus, à cæteris Definitoribus generalibus eligantur, qui voces absentium suppleant; ita ut semper in Definitorio quinque, cum voto decisiuo reperiatur, quod semper tam in euentu prædicto, quam in omni alio obseruandum est, quoties Definitorium congregari debet, & numerus quinarius non impletur.

4 Nullus Definitor generalis, nisi legitime impeditus, & de licentia Definitorij, quâ ipso petente Præpositus de maioris partis reliquorum Definitorum consensu per litteras accepto dare possit, sub pœna depositionis absit; quando Definitorium generale congregatur; neque Præpositus cum consensu Definitorum hanc veniam, nisi vni Definitori concedere possit.

5 Proponet in Definitorio Præpositus, quæ dicenda occurrunt. Si vero aliqua ipse prætermiserit, vel quauis de causa proponenda videantur, quilibet Definitor sentiente alio ex Definitoribus proponi debere, petita venia, poterit proponere, ut decidentur. Quod idem in Capitulo generali;

& Prouinciali obseruandum est, non tantum quando duo Definitorum consentiunt; sed etiam quando quatuor ex alijs Capituli Patribus postulant, ex quibus, qui alios loco precedit, dubia proponit. Vt verò maturius omnia examinentur, grauiora dubia ab vna in aliam sessionem proponantur.

6. Quidquid verò in Definitorio generali iuxta Constitutiones definitum fuerit, Patet Propositus exequatur iuxta mentem Definitorij, quoad tempus, modum, & alias circumstantias; quod nisi prestititerit, primus Definitor in Definitorio, aut seorsim coram alio Definitorum (si adesse possit) illum admodum reuerenter admoneat: cui admonitioni nisi paruerit, in generali Capitulo sua correctionis tempore pro culpæ modo puniatur.

7. Quot vero diebus durare debeat Definitorium, & quoties per singulos dies congregari, iuxta qualitatem, & quantitatem negotiorum occurrentium Definitorium, tunc determinabit per maiorem suffragiorum partem. Curabit autem ne ultra octo dies protendatur.

8. Strictissimo secreti sigillo omnia negotia Definitorij ab ipsis Definitoribus fideantur, quod si quis secretum prodiderit a Definitorio pro culpæ modo puniatur. Et ut secretum fideliter seruetur, postquam

De-



Definitores electi fuerint, Præpositus, ipsiq;  
Definitores intrent secretum eorum, quæ in  
Definitorio geruntur; quod tunc obliga-  
bit, cum maior Definitorij pars statuerit  
iuramentum in illo enectum debere observari.

9 Si Præpositus (quod absit) culpâ eam  
admiserit, ob quam iuxta nostras Consti-  
tutiones ab officio sit deponendus, primus De-  
finitor sub pœna priuationis vocis per bîe-  
nium, congregabit Patres eo modo, quo di-  
ctum est in casu renunciationis, collatoque  
consilio septem illi Patres culpas expendât.  
Quod si è tribus suffragiorum partibus duæ  
concurrant, sententia in eum depositionis,  
suspensionisvè feratur, moxque nulla inter-  
iecta mora, Vicarius generalis per dicto-  
rum septem Patrum suffragia eligetur, cui  
omnes obsequium obedientiæ præstabunt,  
accerfitoque confestim Præposito, qui depo-  
situs, aut suspensus fuit, sententia ei mani-  
festabitur, quam ille æquanimiter ferens  
Vicario electo, sicut alij Patres se subijcet.  
Si tamen Præpositus non ita seuerè puniri  
debeat, septem illi Patres deliberent, qua  
pœna plectendus sit; quam clementer irro-  
gabunt.

10 Omnia verò, quæ in nostris Consti-  
tutionibus primo Definitori committuntur,  
secundus eo absente, aut deficiente præsta-  
bit, & sic tertius, & quartus, etiam quoad

officium Vicarij generalis in casibus tantummodo cap. 4. huius tertiz partis notatis.

*Cap. X I I I. De Procuratoris generalis officio.*

**P**rocuratores generalis est, Congregationis expedire negotia pro modo facultatis ei concessæ, cuius officium triennium non excedet, ante quod elapsum, si culpas depositione dignas commiserit, deponi poterit.

2. Peracto triennio, ad idem officium poterit resumí, si eo recte functus fuerit.

3. In generali Capitulo suffragabitur post Definidores, quibus voce, ac loco proximus sedebit. At in Conuentu ubi morabitur, nisi quis adsit Definitor, primus post Priorem sedebit, & in litteris dandis, ac recipiendis eadem, qua Definidores, facultate gaudebit.

4. Præcipimus Procuratori generali, sub pœna priuationis ab officio, & alijs pœnis à Definitorio imponendis, ne à Principibus sæcularibus fauorem contra Congregationis bonum, vel statuta quærat.

5. Præcipimus item, ne petat, seu quærat Congregationis nomine litteras vllas

A po-

Apostolicas ad immutandum quouis modo gubernationis modum, vel Constitutionem ullam, nisi de speciali Congregationis commissione per Capitulum generale facta, sub pœna depositionis, aut alia grauiore à Definitorio imponenda.

6 Eiusdem Procuratoris generalis officium erit, Priuilegia, Breuia, litterasque Principum, ceteraque omnia etiam temporalia pro expeditione missionum procurare, cum ijs, qui peregrinantur continuè per litteras agere, & earum, quas ab ipsis recipit, Præposito, Conuentui missionum, & alijs de venia Præpositi transumpta mittere.

#### Cap. XIV. De erectione, & gubernatione Prouinciarum.

1 Capituli generalis est Prouincias erigere, vbi numerus Conuentuum id exigere videbitur, quod arbitrio Capituli generalis remittitur per maiorem partem suffragiorum.

2 Si verò numerus Conuentuum ita creuerit, vt ab vno Prouinciali difficulter gubernari possit, Capitulum generale per maiorem suffragiorum partem numerum competentem vni Prouinciæ assignabit, reliquos verò Conuentus diuidet, Prouinciamque

aliā eriget, si ei ita expedire videbitur. Si autē pauciores sint, Præpositus generalis Vicarium eis præficiet, donec Prouincia formari possit. Priores, & socij eligant Procuratorem ad Capitulum generale venturum, qui feret ibi suffragium; in hac verò electione prædictus Vicarius vocem actiuam non habebit, nisi fuerit Prior.

3 Si numerus Conuentuum Prouinciæ alicuius diminutus fuerit ob bella, & varios alios casus, Capitulum generale per maiorem suffragiorum partem poterit Conuentus residuos Prouinciæ diminutæ alteri Prouinciæ addere, atque ita ex duabus Prouincijs vnā componere, quemadmodum ei videbitur expedire. Poterit quoque Præpositus Vicarium eis sic remanentibus præficere, quo in casu Priores, & socij Procuratorem eligent, qui in Capitulo generali vocem habebit, vt in numero præcedenti dictum est. In omnibus autem Conuentibus, qui in Prouinciā redacti non sunt, Priores, & Supprieores per vota Cōuentualium eligentur, & sine alia confirmatione officia sua exequentur.

4 Præpositus generalis per se ipsum, aut si id non possit, per alios idoneos Prouincias etiam remotas visitet; & sollicitè curet, vt cum Prouincia Romana singulari amoris affectu coniunctæ sint: atque ad hunc finem

finem ex Prouincijs remotis iuniores Fratres selectos filiationem suam semper habituros ad Italiam vocet, vt doctrina, & disciplina monastica perfectius instructi ad sua loca reuersi alios instruant. Mittet quoque ad partes illas ex Italia Fratres vitæ integritate, & doctrina insignes, vt his officijs mutux charitatis affectus diutius perseueret.

*Cap. XV. De Capitulo Prouinciali.*

**T**ertio quoque anno, & anno vno ante Capitulum generale proximè subsequens, à feria sexta ante Dominicam tertiā post Pascha inclusiue, vsque ad Dominicam quartam exclusiue, in Conuentu per Definitorium prouinciale designato (qui à secularium strepitu, si fieri possit, remotus sit) Capitulum prouinciale celebretur: ad quod præter gremiales, & Fratres Patrum obsequio necessarios alij non accedant. Et vt omnibus Capituli tempus, & locus innotescat, ante discessum è præcedente Capitulo sequentis Capituli locus designetur.

2. Ferent ibi suffragia Pater Prouincialis, tam de nouo electus, quam officio functus. Definitores prouinciales, tam officio functi, quam recenter electi, Priores, vel Vicarij Conuentuum canonicè electi, eorumque socij,

cij, à quorum professione tres integri anni transierint : & nullus alius, etiam P. Præpositus, si forte in eo loco fuerit. Omnesq; vocem habentes, sine vlla noua euocatione, ad destinatum diem ad Conuentum designatum conuenient.

3 Eligi poterunt ex tota Prouincia quicumque Sacerdotes professi à iure, vel per nostras Constitutiones voce passiuæ non priuati, & qualitatibus, quæ ad vnumquodq; officium suis in locis notantur, affecti : præterquam semel à nobis expulsi, apostata, & qui à sententia Congregationis appellarunt, alijque suis in locis indicati, & è Conuentibus studiorum, qui cursum nondum perfecerunt, qui vsque ad annum à cursu finito expletum in aliquod officium eligi non poterunt, nisi iustis de causis cum aliquo ex ijs, qui in studiorum cursu versantur, Prouincialis dispensauerit.

4 Ipso mane incipiendi Capituli in omnibus Prouinciæ Conuentibus canetur Missa de Spiritu sancto, ijsque diebus, quibus Capitulum celebratur, fiat oratio, & alij actus pij ad Dominum exorandum pro felici successu Capituli. Peracta ergo Missa de Spiritu sancto, non expectatis absentibus, Capituli Patres singuli Sacro priuatim facto in Chorum conueniant. Deinde signo Capituli dato, è Choro, Hymnum Veni Creator Spi-

Spiritus canentes, Capituli locum antea modo destè præparatum ingrediantur . Quo simul ac peruenerint corā effigie Crucifixi genua flectant , Præsidesque subiungat Orationem Deus qui corda fidelium , & Actiones nostras , detque statim surgendi signum , omnesque sedebunt .

5 Primo loco sedebit Prouincialis , secundo Definidores donec nouus Prouincialis , & Definidores eligantur , qui statim ac electi fuerint ita sedebunt , vt Prouincialis recenter electus primo loco, Prouincialis officio functus secundo, Definidores noui tertio iuxta ordinem suarum electionum sedent , quarto loco Definidores præcedentes , quinto Priores , seu Vicarij iuxta ordinem antiquitatis Conuentuum , sexto socij Priorum , & Vicariorum eodem ordine antiquitatis , ita vt ad dexteram Prælati , ad sinistram socij sedent , & extra locum Capituli ijs diebus ante omnes alios Conuentuales sedebunt , & præsidebunt , sed gubernatio domus Priori relinquatur .

6 Mox Prouincialis , & Definidores Secretarium ex ipsis Capituli Patribus eliget , & sociorum litteras explorabunt , vt constet an fuerint canonicè electi .

7 Facto litterarum examine, Prouincialis præcipiat in scriptis omnibus Capituli Patribus , vt si quis aliquem è præsentibus  
voce

voce carere nouerit, id aperiat, antequam ad electionem procedatur. Et Definitorium cito dubia decimat, ne tempus electionum prorogetur.

8 Deinde ex Constitutionibus legantur duo capita de electione Prouincialis, ac de eius officio, nequid memoria excidat. Et Præses, vel cui rem ille commiserit, breuem concionem habeat de bona electione faciēda, & rei grauitatem sine vllius nomine expresso, vel etiam indicato ponderet.

9 His absolutis Præses diem proximè sequentem designabit ad Prouincialem, & Definidores eligendos: monebitque Patres, vt orationi, & rerum considerationi vacent, neque domo exeant donec Capitulum sit absolutum.

*Cap. XVI. De Prouincialis, & Definitorum prouincialium electione.*

**P**Rimo mane diei sequētis electores singuli Missam de Spiritu sancto priuatā, Conuentus verò solemnem faciat pro bono exitu electionum. Officioq; absoluto Patres in Chorum conueniant, signoque campanulae dato, Hymnum Veni creator Spiritus, canen-



canentes, in Capituli locum procedant. Vbi per horam dimidiam in oratione quiescant: qua peracta Præses subdat Antiphonam, Sub tuum præsidium, & Orationem Deus, qui corda fidelium; moxque, omnibus Fratribus in Choro, vel Oratorio interea orationi vacantibus, Patres sedeant.

2 Exclufis deinde, si qui fuerint, voce carentibus, qui post Prouincialem, vel Præsidentem primus sedet, illum ad cautelam ab omni absoluat censura, & in irregularitate dispenset: idemque Prouincialis, vel Præsidentens erga omnes Patres Capituli faciat, vt electiones canonicè fiant.

3 Eligi poterit Prouincialis ex filiis tantum vniuscuiusque Prouinciæ, tametsi extra illam Prouinciã existant, quicumque maximè dignus, in quo nullus sit ex defectibus cap. 1. huius tertiæ partis nu. 3. enumeratis. At præterea eligi non poterit, qui sexenniũ à suscepto Sacerdotij ordine, & octo annos ab emissã professione in nostra Discalceatorum Religione, & trigessimũ quintũ ætatis annum non compleuerit: & qui ob aduersam valetudinem ab esu carniũ abstinere, & Chori, ac Refectorij actibus ordinariè interesse non valuerit, nisi ætatis defectus singulari prudentia, & vitæ sanctitate, compensetur. Nunquam tamen Prouincialis reelegi poterit ad triennium immediatum.

tum . Eligi quoque non poterit, qui actu est  
Definitor guneralis , vel Procurator gene-  
ralis .

4 Ut autem Prouincialis electio, sicut  
& omnes aliæ in Capitulo prouinciali fa-  
ciendę, purius fiant , In virtute Spiritus san-  
cti , & sub præcepto , omnibus electoribus  
pręcipimus , vt vnusquisque illorum in om-  
ni electione per vota secreta in Capitulo  
prouinciali faciēda , suffragiū ferat pro eo ,  
quem vnique officio coram Deo iudica-  
uerit magis idoneum, & neget suffragium  
ei, quem nonerit directè , vel indirectè per  
se, aut per alium prætere in Capitulo  
prouinciali , aut generali ad aliquam præla-  
tionem, vel officium promoueri .

5 Patres ergo statim ad electionem  
Prouincialis procedant, ferantque suffragia  
iuxta modum cap.7.huius tertię partis prę-  
scriptum. Et prouincialis, vel Pręsidēs, duo-  
que antiquiores Definitores suffragia scru-  
tabuntur .

6 Post scrutinium statim ac electio ca-  
nonica facta est, publicetur . Facta verò pu-  
blicatione, si Prouincialis recenter electus  
adfit, qui primus post illum sedet eum sta-  
tim confirmet iuxta formam in hac tertia  
parte cap.8.traditam .

7 Mox pro gratiarum actione Hymnus  
Te Deum cantetur, Prouincialisque in Ec-  
cle-

eleſiam, aut Chörü deducatur, vbi eius manſinguli genibus flexis ſuppliciter oſculantes, eius obediencię ſe tradent, eo modo, quo de Præpoſito nouiter electo in Manuali deſcribitur.

8 Si Prouincialis electus abſit, per octo dies à datis litteris computandos expectetur, ſi maior Capituli pars intra id tempus accedere poſſe iudicet, obſeruato interfaciendi modo, qui deceat noſtrum inſtitutum. Quo in euentu ſtatim per litteras moneatur; & interim à Capituli celebratione Patres abſtineant. Quod ſi maior pars cenſeat prædicto interfaciendi modo accedere non poſſe, non expectetur, ſed ſtatim ipſa met die, vel proximè ſequenti, Prouinciale præcedentis triennij, ſi adfuerit, ſin minus antiquiore Definitor præſidente ad reliquos Capituli actus procedatur. Similiter ſi quacunque de cauſa, etiam ſi intra octo dies poſſet accedere, non accedat, prædictis octo diebus elapſis ad reliquos Capituli actus procedatur.

9 Hac ipſa die eligentur quatuor Definitores prouinciales. ex filiis tantum illius Prouincię, qui ex nullo defectu cap. i. huius tertię partis designatorum ſint inhabiles; & qui prudentia, & boni communis zelo præſtent: annuq; ætatis trigeſimum, & a profeſſione ſextum attigerint, eligentur.

que

que singuli seorsum ordine seruato . Pote-  
runtque reeligi duo tantum ex Definitori-  
bus triennij præcedentis . Quod si quis De-  
finitor durante Capitulo moriatur, vel quo-  
uis modo non possit officium exequi, vel ab-  
sit, ab eodem Capitulo eligatur alius, qui vl-  
timo loco inter Definidores sedeat . Si verò  
intra triennium extra Capitulum obeat, de-  
ponatur, ægrotet, vel quouis modo officio  
fungi nequeat, à Prouinciale, & reliquis De-  
finitoribus in primo Definitorio eligatur ex  
Patribus totius Prouinciæ, qui si absit, ex Pa-  
tribus illius Conuentus, vbi Capitulum ce-  
lebratur, eligatur aliquis substitutus, ad  
Definitorium illud celebrandum . Et in his  
electionibus, qui præsidet, duoque antiquio-  
res Definitores suffragia scrutabuntur iux-  
ta modum in cap. 7. præscriptum, quod in  
omni electione Capituli, & Definitorij ob-  
seruandum est . Statim autem ac primus  
Definitor electus fuerit, si nonus Prouin-  
cialis absit, præsidebit, seruatoque ordine se-  
cundus, tertius, & quartus .

16 Si Prouincialis primo, vel secundo  
anno sui officij moriatur, vel quomodo-  
cunque vacet, primus Definitor prouin-  
cialis Capitulum conuocet ad Vicarium prouin-  
cialiæ eligendum, neque aliud quicquam in  
eo Capitulo agatur, nisi aliqua electio for-  
uito contingat, vel aliud necessitas requi-  
rat .

rat. Tunc enim Capitulum provinciale omnia ea expediet, etiam si alias ad solum Definitorium provinciale pertinerent, quod denique obseruandum est, quando Capitulum congregatur. Si Prouincialis tertio anno obierit, primus Definitor provincialis, & eo moriente, secundus, tertius, & quartus Prouinciæ præsidebunt, & ad Capitulum generale conuenient, ac sibi vocem habebunt.

*Cap. XVII. De socijs ituris ad Capitulum generale, & Priorum electione.*

**P**ost Definitorum provincialium electionem creabuntur ex tota Prouincia duo socij Prouincialis ituri cum eo ad Capitulum generale, qui sint sacerdotes nullo defectuum cap. 1. huius tertiz partis notati, & qui à professione sex annos, & ætatis triginta expleuerint. In quâ electione Prouincialis non feret suffragium, sed cum duobus Definitoribus antiquioribus suffragia scrutabitur. Socij litteras suæ electionis ab electoribus subscriptas, & sigillo Prouinciæ munitas ferent in Capitulum generale. Litterarum formula hæc est.

Dd Reue-

Reuerendi admodū Pres. Cum R.P.F.N. huius Prouinciæ nostræ N. Prouincialis ad generale Capitulū Romæ, Genuæ, &c. anno sequenti N. mense N. celebrandum ex obedientia profecturus esset, R.P.Fr.N. 1. vel 2. vel 3. vice cum tot vocibus, ex tot Capitulum prouinciale tali loco celebratum consocietibus, in primum, vel secundum eius socium, vel in substitutum socij deficientis, siue alias legitimè impediti canonicè à nobis, qui in prædicto Capitulo prouinciali vocem habemus, electus fuit. Cui legitimè iuxta nostras Constitutiones electo omnem eam auctoritatem concedimus, qua possemus rite fungi si nos omnes in Capitulum generale conueniremus; & ut tam ipse, quam omnes alij Patres prædictum Capitulum, constituentes, quæ ad Dei gloriam, & Congregationis nostræ commune bonum opportuniora sunt vnanimis decernant, Diuinam bonitatem enixè deprecamur. In quorum fidem præsentibus dedimus prædictæ Prouinciæ sigillo munitas, nostrisq; nominibus subscriptas. Dat. RR. VV. Humiles filij Fr. N. Prouincialis. Fr. N. Definitor. Fr. N. Prior Conuentus N. Fr. N. socius Conuentus N.

Ferent quoque socij litteras eorū, qui eas ad Capitulum generale dare voluerint, & catalogum Fratrum singulorum Conuentuum

tuum suæ Prouinciæ . Et negotia ad suam Prouinciã attinentia apud Patres Capituli generalis diligenter gerent, non tamen habebunt vocem in Capitulo prouinciali in quo eliguntur, nisi aliunde illam habeant, puta si sit aliquis ex ipsis Capituli prouincialis Patribus ibi existētibus. Eligatur quoque vnus, qui succedat loco alicuius ē duobus socijs, vel ob mortem, vel ob aliam causam omnino eos impredientem .

2 Eligentur postea Priores ordinate iuxta Conuentuum antiquitatem, quicumq; idonei ex tota Prouincia prædictis in cap. 1. huius tercię partis defectibus minimè notati, & qui trigessimũ ætatis annũ, & professionis sextum expleuerint, nisi ætatis, & antiquitatis defectus vitę integritate, & prudentia compensetur . Tunc enim cum aliquo, in quem suffragia ad electionem requisita concurrissẽ viderit, poterit Prouincialis dispensare . Similiter eligi non poterunt ex actu studentibus, qui cursum nondum confecerunt, qui vsque ad annum à cursu finito expletum non poterunt eligi, nisi Prouincialis cum aliquo illorum dispensauerit . Declaramus Priorem creari non posse, qui ob aduersam valetudinem communis, ac regularis vitę actibus in Choro, & Refectorio, ceterisque locis maiori ex parte nequit interesse .

Dd 3 Prior

3 Prior, cuius officium in Capitulo expirat, in idem officium ad eundem Conuentum resumere non possit, nisi cum duabus è tribus suffragiorum partibus. In alium verò Conuentum electione ordinaria poterit assumi. Sed si quis tempore intermedio, quod ab vno in aliud Capitulum labitur, in alicuius Conuentus Priorem, seu Vicarium eligatur, in Capitulo sequenti poterit non solum in alterius, sed etiam in eiusdem Conuentus Priorem ordinaria electione promoueri.

4 Cum verò ad reelectionem Prioris Conuentus, cui præsuit, & Vicarij duæ è tribus suffragiorum partibus requirantur, si prima, & secunda vice tot suffragia non habuerint, quæ ad reelectionem sufficiant, licet ad electionem nouam sufficerent, eo ipso à prælatione illa exclusi maneant; & tertia vice ferantur suffragia ad eum modum, qui de secunda cap: 7. n. 6. expressius est. Quod si tunc non fiat electio canonica, quarta vice concludatur electio eo modo, qui tertia vice supra scriptus est.

5 Nequa verò de suffragiorum partibus oriatur contentio, declaramus ita esse computanda suffragia, quæ supersunt numero in tres partes æquales diuiso, vt si supersit vnum tantum suffragium, annumeretur duabus partibus, si supersint duo, vnum duabus, alterum tertiæ parti annumeretur.

Cap.



**Cap. XVIII. De Statutis. siue Ordina-  
tionibus.**

**A**bsolutis electionibus, si necessitas id  
requirat, fiat aliqua Statuta ad per-  
fectionem promouendam, siue ad extirpan-  
dos aliquos abusus: quæ vt obseruari inci-  
pian, tribus è quatuor suffragiorum parti-  
bus approbentur: & vsque ad Capitulum  
subsequens durent, ibique, nisi expresse con-  
firmentur, expirent. Constitutiones autem  
in solo Capitulo generali fieri possint.

**2** Statuta, siue Ordinationes factæ ab  
omnibus Capituli prouincialis Patribus  
subscribantur in libro ad hoc destinato, den-  
turque earum exempla Prioribus & Secreta-  
rio Capituli subscripta. Erit etiã liber alius,  
in quo scribantur decreta Definitorij pro-  
uincialis cum Prouincialis, primi Definito-  
ris, & Secretarij subscriptione. Transumpta  
vero Ordinationũ Capituli prouincialis, &  
decretorum Definitorij à Secretario sub-  
scripta ad Conuentus mittantur, quæ sta-  
tim per Prouincialem ad Definitorium ge-  
nerale mittantur, vt confirmentur, aut si  
opus fuerit, moderentur.

*Cap. XIX. De alijs actibus Capitulo  
prouinciali reseruatis.*

**O**Mnes electiones, quæ interim, dum  
Capitulum prouinciale celebratur,  
in Prouincia occurrunt, excepta ea, qua Sup-  
prior, & primus Discretus eligitur, ad co-  
tum Capitulum prouinciale pertineant.

2. Legantur hic epistolæ Capitulo pro-  
uinciali missæ, quæ alibi quam in Capitulo  
prouinciali aperiri nō possunt; quemadmo-  
dum, quæ Definitorio prouinciali mittun-  
tur, alibi quam in ipso Definitorio legi non  
possunt, sub pœna depositionis ab officio.

3. Consultent Patres Capituli an Mona-  
sterium aliquod, eo quod instituto nostro  
non sit consentaneum, vel quauis ex causa  
inutile, deferendum sit: quod in proximo  
Capitulo generali proponatur, & decidatur.

4. Denique alia quauis negotia quouis  
modo ad Capitulum prouinciale attinentia  
hoc loco tractentur: si autem Capitulum  
prouinciale ob singulares causas conuoce-  
tur illæ tantum causæ expediantur cæteris  
omnibus intactis, nisi necessitas aliud re-  
quirat.

Cap. XX. De Capituli provincialis sine  
& electionum confirmatione.

**P**eractis electionibus Præses imponat præceptum scriptum, ut intra viginti quatuor horarum spatium, Patres Capituli ad illum deferant, si in recenter electis aliquod impedimentum canonicum, vel à nostris Constitutionibus ortum cognoverint, propter quod mereantur non confirmari. Si vero de aliquo eiusmodi impedimento, vel culpæ legitime probentur, minime confirmetur sed alius in eius locum eligatur. Hic autem de Provinciali tunc electo, statimque confirmato nihil inquirendum est.

2. Ij ergo, quibus nihil obijciatur, statim confirmentur à Præsidente Capituli in hunc modum. Ego N. nomine meo, & omnium consentientium, eligo, & confirmo te, vel vos in tale officium. Statimque omnes Capituli Patres professionem fidei à Concilio Trid. præscriptam faciant.

3. Post hæc Præsident Capituli Patres ad legum custodiam, & exemplum subditorum hortabitur, eisque plenariam indulgentiam, & absolutionem ab omni Ecclesiastica censura vi privilegiorum concedet: ultimamque Capitulo manum imponet. Tunc

D d 4 Patres

Patres se mutuo amanter amplectentur, in loca, quæ illis obtigerint Apostolico more paulò post discessuri.

Cap. XXI. De *visitatione Superiorum, & electione Magistri Nouitiorum, Suppriorum, primique singulorum Conuentuum Discreti.*

**A**bsoluto Capitulo Prouinciali, & Definitores, qui ad negotia expedienda tamquam Capituli totius appendix remanent, Secretarium Definitorii primum eligent. Deinde antequam Capitulares discedant, præcedentium Prouincialis, ac Definitorum culpas (si quæ fuerint) inquirent in hunc modum.

Prouincialis recenter electus, ac duo Definitores antiquiores, qui proximo triennio Definitores non fuerint, visitabunt. Quod si Prouincialis absit, tres antiquiores Definitores, è quibus nullus præcedenti triennio Definitor fuerit (quorum primus Prouincialis vices gerat) De præcedenti Prouincialis, & Definitorum culpis inquirent. Quod si tres Definitores noui nõ ad sint, antiquiores Patres alij ad numerum trium visitantium implendum ordine seruato subintrabunt.

Ex-

3 Expleto ergo trium numero, vt omnia rectius procedant, Visitatores scriptum præceptum Capituli Patribus imponent, vt intra præfixum ab eis tempus, si quid norunt denuncient, aut se nihil nosse coram eis affirmant: correptionemque, aut pœnam ijs, qui eam meruerint, inferent, ita tamen, vt si pœnam Definitorio provinciali reseruatam meruerint, alij duo Patres loco antiquiores adiungantur, qui Definitorij numerum implentes causam decident. Si tamen pœna Definitorio generali reseruetur, processum de culpis factum eidem Definitorio mittent, eiusque decisionem expectabunt.

4 Hoc ipso tempore eligetur per vota secreta Definitorij Magister nouitiorum, ad rem tantam aptissimus, in quo conscientias eligetium oneramus. Supprior quoque, & primus Discretus cuilibet Conuentui à Definitorio iuxta voluntatem cuiusq; Prioris quoad fieri poterit, assignabitur: ita vt Prior quisque proponat vnum, vel plures, quos probat, è quibus à Definitorio per secreta suffragia vnus eligatur. Quod si Prior absit, vel ab eo aliàs nullus proponatur, Provincialis proponet, ac Definitorium eliget. Et denique in Definitorio agetur de Fratrum missione in diuersos Conuentus, omniaq. alia, quæ occurrent, expedientur.

Cap.

*Cap. XXII. De officio, & auctoritate Prouincialis.*

**Q**Uoties in diuersis locis, seu regnis Congregatio nostra habuerit idoneum Conuentum numerum à Capitulo generali probatum, qui curam vnius Superioris requirat, eligetur in eodem Capitulo generali primus erectę Prouincię Superior, qui appellabitur Prouincialis, cuius electio, præter primam, ad Capitulum prouinciale pertinebit. Eiusque officium triennio tantum durabit, præterquam in electione, quæ fit à Capitulo generali in prima erectione Prouinciarum, quia tunc tantummodo durabit vsque ad Capitulum prouinciale proximum, vbi eligi poterit electione ordinaria in Prouincialem eiusdem Prouincię, officioque fungetur, vsque ad electionem noui Prouincialis, vel eo absente, vsque ad electionem primi Definitoris prouincialis, Volumus autem vt omnia officia, quæ dum erigitur Prouincia, vel diuiditur ad Prouinciam pertinent, à Capitulo generali, & Definitorio generali respectiuè per maiorem partem suffragiorum eligantur, & in proximo prouinciali Capitulo expirent.

1. Habebit auctoritatem omnem, quæ sit  
ue

ue ex iure, siue ex priuilegijs aliarum Religionum Prouincialibus competit. Nemo in eius Prouincia sine illius uenia habitu nostro, siue inter Fratres, siue inter Moniales indui, neque profiteri, neque ad ordines etiam minores promoueri, neque Confessarij, aut Concionatoris, aut Lectoris ordinarij officio fungi poterit. Ipsiusque erit singulis suę Prouincię Fratribus Conuentum, ubi habitent assignare, indeq; ad alios trāsferre. Poteritque socium sibi eligere ex sua Prouincia quem maluerit: qui tamen nec in Conuentibus, neque in Capitulo prouinciali poterit ferre suffragium.

3 Bis in triennio suam Prouinciā visitabit. At si iusta causa subsit, poterit alicui Vicario visitationem alicuius Conuentus committere: præscribetque illi auctoritatem, qua functurus est, quemadmodum ei videbitur expedire.

4 Gubernabit suę Prouincię Moniales quemadmodum ei hac parte præscribitur.

5 Poterit Prouincialis per se solum in sua Prouincia negotia omnia Capitulo generali, vel prouinciali, Præposito, Definitorio generali, vel prouinciali non reseruata, expedire: & culpas omnes usque ad grauiorem inclusiue punire, & in ijs, quæ ad mores attinent, neque per Constitutiones ei prohibentur, dispensare. At hoc ex iusta causa

sa, raroque efficiet : qua in re si deliquerit , in Capitulo prouinciali tempore suę visitationis puniatur .

6 Poterit, & alia præstare, quæ in Constitutionibus ei committuntur .

### *Cap. XXIII. De officio Definitorum prouincialium.*

**D**efinitorum prouincialium est Prouinciali ad idoneam Prouincię gubernationem consilium dare , non solum dum ab eis petitur , sed etiam dum prudentia, & charitas dari debere persuadet . Quo quidem consilio Prouincialis libenter vti debet . Est quoque Definitorū curam gerere de Prouincialis valetudine , ne medium virtutis nimis curis, & laboribus excedat .

Definitorum prouincialium officium triennio durabit , quousque noui Definitores creentur . Et quamdiu Capitulum , & Definitorium celebratur, Patres ij vocabuntur Definitores, & Prouinciali proximi ubique affidebunt : extra Capitulum verò , & Definitorium pro sola suæ professionis antiquitate sedebunt : neque Definitores appellabuntur .



*Cap. XXIV. De Definitorio prouinciali,  
eiusque auctoritate.*

**D**efinitorium prouinciale, quod ex Patre Prouinciali, & quatuor Definitoribus componitur, post Capitulum prouinciale habet primam auctoritatem in Prouincia: quam Prouinciali vniuersaliter committere non possit, nisi ad peculiarem, aliquem casum.

2. Ad Definitorium prouinciale spectat Magistrū nouitiorum creare, Conuentum, Nouitiatus designare. Si verò extra Conuentum Nouitiatus aliquādo nouitios educari necesse sit, Cōuentum illum eligere, eisque ibi Magistrum præficere. Cum vno, vel altero Conuentu in ijs, quæ ad mores attinent, per aliquot dies, aut paucas hebdomadas dispensare. Renunciationem alicuius officij, in quod à Capitulo prouinciali aliquis eligitur, admittere, aut in idem officium vacans aliquem eligere. Priorem eligere in ijs Conuentibus, qui de nouo conduntur. Priorem ab vno amotum alij Conuentui præficere, Priorem, seu Vicarium, deponere. Vocis, & loci priuatione aliquem infra annum, aut intra tempus, quo prouinciale, vel generale Capitulum celebran-

brandum est; punire . Priorem aliquem , seu Vicarium Conuentus ad tempus breue , hoc est infra annum suspendere , dummodo intra id tempus Capitulum prouinciale , seu generale non celebretur . Et alia , quæ in Cōstitutionibus Definitorio prouinciali reseruantur , quæ postquam in Definitorio decreta fuerint , Prouincialis executioni mandabit .

3 Ad hæc decidenda semel singulis annis Definitorium prouinciale celebretur , nisi Prouincialis , & Definitores per litteras consentiant debere frequentius celebrari . Quod si tres Definitores sentiant id fieri debere , Definitorium cōgregetur . Si vero Prouincialis , aut aliquis Definitor repugnet , Præpositus moneatur , vt de consensu Definitorum generalium saltem per litteras habito , remedium prouideat .

4 Dum Definitorium prouinciale celebratur , nullus Definitor sine omnium aliorum Prouincialis , & Definitorum consensu absit , neque hic consensus , nisi vni præstari possit .

5 Prouincialis proponet in Definitorio , quæ occurrent ; & eo non proponente obseruabitur , quod decretum est hac 3. par. cap. 12. num. 5.

6 Detur opera , vt Definitoria prouincialia , quàm citissimè absoluantur ; seruetur-

turque secretum, vt de generali Definito-  
rio hac tertia par. cap. 12. nu. 8. dictum est.

7 Si Definitores animaduertant Pro-  
uincialem officio suo non satisfacere, vel  
(quod peius est) abuti, neque bonis consilijs  
acquiescere; Prepositum re bene ponderata,  
& examinata moneant, præsertim in ijs euē-  
tibus, in quibus pœna depositionis, aut su-  
sensionis Prouinciali per Constitutiones  
decreta est. Idemque Prouincialis præstet,  
si Definitores officio suo ita deesse conspe-  
xerit, vt suspensionis, vel depositionis rei  
sint.

### *Cap. XXV. De Prioris officio.*

**P**Rioris officium (quod vsque ad ingres-  
sum successoris in Conuentum exten-  
ditur) est subditos ad legum, præceptorum-  
que custodiam opere, verboque exhortari,  
quamobrem vulgò Chori, Rectorijque acti-  
bus vigilanter intersit; nec in victu, aut ve-  
stibus singulare quicquam admittat. Siquā  
bonam consuetudinem ab antecessoribus  
inductam inuenerit, sine Prouincialis per-  
missu, nec eam tollat, nec nouam inducat.

2 Prior in ijs, quæ ad quotidianam com-  
munis vitæ disciplinam pertinent iuxta oc-  
casiones occurrentes cum suis, & secum di-  
spensare poterit. Caueat autem ne leui de  
causa

causa, etiam in rebus minimis dispenset; cum sine culpa dispensare non possit, si iusta causa desit.

3 Nulli Religioso det veniam perennem, neque cum integra Cómunitate ad aliquid in communi, & regulari vita mutandum, vel omittendum, nisi raro, & ex graui causa Discretorum suffragijs approbanda dispenset. Neque verò tunc, nisi Prouincialem prius consulat, si fieri possit; sin autem, postea de re illum citò certiores faciat.

4 More Patris spirituales subditorum profectum curet, & augeat: quod vt facilius obtineat det operam, vt Fratres singuli quotannis semel saltem spiritualia, quæ vocamus, exercitia faciant. Et quod ad modum gubernationis spectat, amore potius, quam pœne metu alijs præesse curet. Præterea bis quotannis singulorum Fratrum spiritum examinabit, & illos instruet, ac solabitur.

5 Non animarum tantum, sed corporum etiam curam geret, omniaque necessaria valentibus, & ægris paternè prouidebit. Quod vt præstet ipse interdum communes officinas explorabit, & inuestigabit, an ministri officio satisfaciant, etsi hoc ad Supprioris munus spectare velimus.

6 Subditos frequenter visitet, ac exploret an in cellis mancant, & in eis;  
ac

20. extra eas aliquid boni agant.

7. Post Completorium verò ipse, vel alius ab eo designatus, ferens lucernam cellas visitet, sub pœna media.

8. Ministeria Ianitoris, Procuratoris, Sacristæ, ceteraque domestica iniunget, auferetque à ministris, quando ei videbitur expedire. At meminerit non facile auferenda officia, quæ indigent experientia.

9. Confessarijs Fratrum, ordinarijs veniam dare poterit, vt licentiam concedant Fratribus, quorum confessiones audiunt, extraordinarium aliquod pœnitentiæ genus exercendi, prout in Domino crediderint expedire.

10. Poterit deinde Prior Vicarium Conuentui præficere, cum recedit extra Conuentum abfuturus, etsi electus Supprior ibi permaneat, præterquam cum ad prouinciale Capitulum accesserit: tunc enim Supprior, nisi in socium eligatur, Vicarius erit. At toti Conuentui præceptum imponere sine Discretorum consensu non poterit.

### *Cap. XXVI. De officio Supprioris.*

1. Supprioris officium eo tempore, quod ab uno in aliud Capitulum labitur, durabit.

2. Est autem Supprioris officium profes-

forum Fratrum Magistrum esse, Chorum moderari, dareque operam, ut diuinum officium cū ritibus ab Ecclesia, Ordinarioque praescriptis religiose persoluatur, communes officinas explorare, & an quicquam necessarium desideretur, aliquidvè superfluat, an etiam ministri rectè officio fungantur, animadvertere, demumque siquid remedio egere videbitur, Priorem admonere.

3. Curam geret Supprior, ut res omnes Claustrum, Chorus, ceteraque Conuentus loca munda sint, & ut supellex bene distribuatur, tabulaeque communis officia per hebdomadas singulas scripto distribuat. Obeunte Priore, vel absente, Conuentum gubernabit, nisi quis Vicarius Conuentui praeficiatur. At nihil innouabit sub poena graui. Deficiente autem Priore, Vicario, & Suppriori, antiquior professione ceteris praesidebit; qui similiter, & quilibet alius praesidens nihil innouabit sub poena graui predicta.

### *Cap. XXVII. De officio sacri ituri ad Capitulum prouinciale, eiusque electione.*

**A**nte dies octo, quam Prior in Capitulum migret, creabitur socius, qui sit Sacerdos, & tres saltē professionē annos egerit

egerit, qui Conuentus illius bonum in Capitulo procurabit. In ea verò electione, Prior, neque alius vocem habens in generali, vel provinciali Capitulo, non feret suffragium, sed cum duobus antiquioribus, quorū secundus erit Secretarius, suffragia scrutabitur, quod etiam fiet in quauis alia electione à Conuentu facienda, quoad reliqua seruetur forma præscripta in electionibus hac tertia parte cap. 7.

2. Vt autem electio hæc Deo sit acceptior, præcipimus in virtute Spiritus sancti, & sanctæ obedientiæ, & sub præcepto vniuersis electoribus, vt eum socium eligant, quem coram Deo magis idoneum crediderint, nec suffragium ferant pro eo, quem, per se, aut per alium directè, vel indirectè nouerint prætereire in id officium eligi.

3. Electus iam socius secum feret litteras ab electoribus subscriptas, & Conuentus sigillo munitas, quarum hæc erit forma:

Reuerendi admodum Patres. Cum R. P. Fr. N. huius Conuentus nostri N. Prior ad provinciale Capitulum Romæ, Genuæ, &c. hoc anno, mense, &c. celebrandum ex obedientia profecturus esset, P. Fr. N. prima, vel secunda, vel tertia vice, cum tot vocibus ex tot Capitulo conscientibus, in eius socium canonicè à nobis, qui in prædicto Conuentus Capitulo vocem habemus,

E e a ele-

electus fuit. Cui legitime iuxta nostras Constitutiones electo omnem eam auctoritatem concedimus, qua possemus ritè fungi, si nos omnes in Capitulum conueniremus. Et ut tam ipse, quam omnes alij Patres Capitulum constituentes, quæ ad Dei gloriam, & Congregationis nostræ commune bonum opportuniora sunt vnanimis decernant, Diuinam bonitatem enixe deprecamur. In quorum fidem præsentis dedimus prædicti Conuentus sigillo munitas, nostrisq; nominibus subscriptas. Dat. Romæ, Genuæ &c. R R. VV. Humiles filij Fr. N. Fr. N. &c.

Feret etiam litteras eorum, qui ad Capitulum eas dare voluerint, cathalogumq; Fratrum singulorum, cum nominibus, patria, antiquitate, & qualitatibus cuiusque, scilicet an sint Prædicatores, Confessarij, & similia, quem Definitorio postmodum offeret. Socius ferat testimoniū cum subscriptione Discretorum de missis, quæ adhuc debentur; & similiter de alijs debitis, quæ adhuc Conuentus non persoluit, & memoriā Religiosorum, qui in suo Conuentu decesserunt, quæ omnia in Capitulo legantur.

4. Si Supprior eligatur in socium, aut si forte Conuentus Suppriori careat, Vicarius à Conuentu eligetur, qui Conuentum interea gubernet. In hac autem electione

in hac autem electione Prior

1713



Prior feret suffragium . Verum si Prior quis de causa domi remaneat , non eligatur Vicarius, sed ille Conuentum gubernet .

*Cap. XXVIII. De officio Discretorum,  
bonorumque Conuentus  
custodia .*

**I**N Capitulo cuiuscumque Conuentus duo eligantur Discreti , quorum electio per schedulas secreto fiat; ita vt ab vnoquoque electore in schedula vna duo designentur , & quibus prima vice plura suffragia adstipulantur ritè electi maneant , quorum officium triennio durabit; eligenturque paulò post, quam nouus Prior ad Conuentum accesserit .

Eorum officium est simul cum Priore, primoque Discreto , rationes accepti , & expensi computare , & suam dicere sententiam ad bonorum Conuentus distributionem. Quare volumus , vt Prior quamuis ad ordinarios sumptus , victus, vestitus, bibliothecæ, Sacristiæ, & aliorum similium , quos volumus quinquaginta aureorum quantitatē non excedere , consilium Discretorum petere non obligetur ; ad extraordinarios tamen sumptus , qui sex aureos excedant, eos

consulere debeat sub pœna graui . Sine hoc pariter consilio , Conuentus bona nec vendat , nec alienet sub pœna depositionis ab officio .

3 Prior fundamenta alicuius è quatuor Claustris lateribus , vel officinæ ponere , Ecclesiæ , vel ædium positum immutare , vineâ , syluam , vel quid simile conferere , alicuius momenti arbores reuellere sine Prouincialis venia , Discretorumque consensu non valeat sub pœna graui . At vero ad res minoris momenti sufficiet consensus Discretorū .

4 Si Conuentui alicui legata , vel donata fuerint aliqua bona immobilia , redditusue , aut annui census , Prior , ac Discreti illa nequeant alienare , sine consensu Præpositi , ac Definitorum generalium ; qui si Conuentus , cui ea bona obuenerunt , redditus habere non possit , aut certè si possit habere , non tamen indiget , ob alia bona , quæ iam ei sufficere iudicantur , inter nostra Monasteria distribuendi , aut vni , vel pluribus iuxta nostra priuilegia tribuent , prout eis expedire videbitur .

5 Prior (etsi Discreti consentiant) Conuentus libros vendere , vel alio quouis modo à Conuentu alienare non possit . At si nonnulli fuerint duplices , aut inutiles vendi poterunt , ita tamen , vt redacta ex eis pecunia libri alij vtilis emantur . Item

quo-

quoties liberaliquis alicui omnino donandus esset, alius ematur.

6. Nostræ bibliothecæ selectis libris sacræ Scripturæ, sanctorum Patrum, Doctorum scholasticorum, ac Philosophorum, & Iurisperitentum instruantur, & quicquid ad pietatem conferre potest, ad bibliothecas ornandas comparetur. Ab vno autem Conuentu nullus liber in alium deferatur sub pœna graui latori inferenda. Quam etiam ferat Prior in cuius Conuentum deferitur, nisi eum ad Conuentum proprium ferri faciat. At Fratribus clericis permitti poterit, vt Biblia sacra, ijs verò, qui clerici non sunt, vt pium aliquem librum secum ferant.

7. Commodari poterunt honestis viris libri nostri, si necessitas urgeat, cautione præstita ne pereant; quapropter non commodentur in scio custode librorum, qui eorum curam geret, quemadmodum ei propria instructione præscribitur.

8. Cætera Conuentus bona in communibus officinis asseruentur; et si qua fuerit pecunia, in arca communi seruabitur, cuius clauem vnâ Prior, & ex antiquioribus Discretis duo, singulas habebunt. Ex ea verò arca pecunia quauis infumenda accipietur coram aliquo ex Discretis, & numerata Procuratori tradatur, qui eam quomodo

insumpserit eisdem Priori, & Discretis, singulis mensibus rationem reddet. Summam verò totius peculiari libro expressam, & à prædictis Patribus subscriptam in præfata communi arca reponi volumus sub pœna graui.

9. In eadem arca seruabuntur communia Conuentus acta, & inuentarium eiusdem bonorum: volumusque, vt quilibet nouus Prior, simul ac litteras suæ Prælationis ostenderit, illud videat, & iuxta ea quæ ibi notantur, Conuentus bona recipiat. Quod si inuentarium non inuenerit, illud coram Discretis sub pœna graui efficiendum curet: & cum à Conuentu, iturus ad Capitulum recedit, Præsidenti, ac Discretis ibi remanentibus ad illius fidem bonorum rationem reddat.

10. Præter ea tamen, quæ Discretis in Capitulo Conuentus electis competunt, primi Discreti officium erit, de ijs, quæ ad spirituale, temporaleque domus bonum expedire in Domino crediderit, Priorem prudenter monere, eique de quæsitis ab eo consilium dare. Erit præterea Prædicatorum, & Confessoriorum, ac eorum, qui ad Congregationis habitum admittendi, vel sacris initiandi sunt primus examinatus: qui de consensu Definitorij, ac (si adsit) Prioris, cuius comes futurus est, eligetur. Si autem Discretus

secretus alicui assignatus Cōuentui obierit, vel quauis ex causa defecerit, Prouincialis cum Definitorio consilio ( si facile peti possit ) statim eidem loco alium idoneum, provideat.

11 Nulla bona, etsi mediocris pretij, puta quinquaginta scutorum, Prior emat, seu vendat, nisi re in Capitulo Conuentus prius proposita, & per maiorem secretorum suffragiorum partem definita.

### *Cap. XXIX. De Visitatoris officio.*

1 **V**isitator (quemadmodum & Prælatus quicumque) à subditis summissè admodum, ac reuerenter admittatur, præsertim cum recenter in Conuentum ingreditur, vel post diuturnam absentiam reuertitur.

2 Quod si Præpositus, aut Prouincialis visitaturus accedit, statim ac Conuentum ingressus fuerit, ad signum campanulæ ad Chorum, vbi ipse orans expectabit, omnes Fratres conueniant, benedictionem ab ipso, vt mos est, flexis genibus accepturi iuxta Manuale. Nec incipiat visitationem simul ac peruenerit.

3 Cum ergo iam ei videbitur opportunum, die aliqua mane Fratres conuocet, & præmisso Hymno Veni Creator Spiritus, ad legum

legum custodiam eos in Capitulo breuiter hortetur. Mox (si Præpositi, aut Prouincialis Vicarius fuerit) litteras functionis sibi commissæ legat, & statim subiectum præceptum scripto ferat. Auctoritate Domini nostri Iesu Christi, & officij, quo fungor, omnibus huius Conuentus Fratribus præcipio in virtute Spiritus sancti, & sanctæ obediencie, & sub præcepto, vt vnusquisque cum rogatus fuerit, aperiat an in hoc Cōuentu, vel Fratre quouis aliquam culpam deprehenderit contra Dei, vel Ecclesiæ legem, cōtra Regulam, & Constitutiones, aut ordinationes Prælatorum Congregationis.

4. At quia Visitator, non tam iudicem, quam patrem inter nos repræsentare debet, publicè omnibus exponat communem correctionis fraternæ doctrinam, ne forte charitatis lex alicuius Fratris ignorance violetur. Quod accuratius efficiet erga singulos, quos interrogabit, antequam illi quicquam corripiendum deponant.

5. Deinde locum, vbi Eucharistia asservatur, scrutabitur. Communes etiam Conuentus officinas visitabit, expendens an aliquid pro status nostri ratione superfit, aut desit.

6. Audiet vniuscuiusque dicta, iuxta Visitatorum instructionem: librum accepti, & expensi leget: & siquid ex bonis Conuentus

tus

tus male insumptum fuerit, pro culpæ modo poenam irrogabit. De domus etiam bonis promouendis, eos, qui rerum notitia pollent interrogabit.

7 Postmodum Capitulum conuocabit, & leues, quas inuenerit culpas puniet; exclusisque suffragium ferre non valentibus, cæteris interea stantibus; Prior prostratus seipsum accusabit, qui si reus inueniatur alicuius culpæ non omnibus notæ, coram ijs, qui maiore illum amore prosequuntur, corripitur; nec culpa alijs nota fiat. Deinde verò Visitator cæteros ordinatè corripit, & Indulgentias ex vi priuilegiorum eis concedens, Capitulum absoluet.

8 Visitatio hæc, quoad culparum inquisitionem, & correptionem, quatuor, vel plurimum quinque dies durabit; & Visitator pacis bonum tueri, ac post professionem suam auctum in Conuentu relinquere curabit.

9 Expleta visitatione per aliquot dies in Conuentu immorabitur, prout ad Fratrum solatiū in Domino arbitrabitur oportere, & singulos priuatim alloquetur, corū spiritū examinabit, omnesq; in Domino solabitur. Quod si Vicarius is fuerit à Preposito, vel Prouinciale missus, scribet ei de ratione status, in quo reperit, & reliquit Conuentum.

10. Poterit Præpositus, & Prouincialis, & quilibet Visitator ab eis substitutus, aliqua statuta salutaria condere, & præceptum toti Conuentui sic imponere, vt statuta, & præcepta obligent tantum, quousque Præpositus, vel Prouincialis factus certior aliud decernat.

11. Non se ingeret gubernationi Conuentus, quoad eius temporalia bona; sed omnia ea Priori, ministrisque remittat, vt tempus omne rebus maioris momenti possit impendere.

12. Præpositus, & Prouincialis, & quilibet alius Visitator, cum Monasteria studiorum visitauerit, de studëtium progressu periculum facient, & ob ingenij tarditatem, aut ob culpas improbatos à scholis amoue- bunt. Explorabunt an circa doctrinam, quæ in secunda parte ordinata sunt, obseruent, omnemque eius generis culpam seuerè punient, nouitatumque amatores ab scholis arcebunt. Sed & Prior in hoc semper inuigilet; quod & in studijs aliorum Conuentuum obseruari præcipimus.



*Cap. XXX. De regimine, ac visitatione  
Monialium.*

**P**rouincialis designet Monialibus sue Prouinciæ Concionatores, & Confessarios ordinarios, & extraordinarios è Congregatione nostra, in oppidis in quibus Conuentum Fratrum habemus: vbi vero ex nostris domus non est, ex extraneis eis prouideat Confessarios, & Cõcionatores doctos, & spirituales, extra quos Monialibus non liceat sine venia Prouincialis per scriptum expressa, alios Cõfessarios, aut Cõcionatores sæculares, aut regulares vocare, vel vltro se offerentes admittere; neque cum viris ecclesiasticis, sæcularibus, seu Religiosis spiritualiter interna conferre, vel vltro alio modo loqui.

2 Si quis è nostris Fratribus intra Monasterij Claustrum ad Confessionem alicuius infirmę audiendam, Eucharistiam, vel Extremam Vñtionem ministrandam ingrediatur, cotta, & stola induatur, & socius illum comitetur: vterque autem recta in locum, vbi agrotata Monialis decumbit, incedat, & recedat, neque alter ab altero separetur, nisi quantum Sacramenti reuerentia requirit, sub pœna priuationis vocis, & loci per sex menses.

Si

3 Si Monialis aliqua sit morti proxima, non liceat Sacerdoti nostro, qui cum socio ad Sacramenta ei ministranda, vel eam in agone iuuandam ingreditur, intra clausuram pernoctare: sed ministerio peracto ad suum Conuentum cum socio reuertatur, nisi agrotā sit in eo periculo, vt eo pietatis officio egeat, quod in morientes exerceri solet, fructumq; inde capere possit. At ea defuncta statim cum socio exeat, & in comitatu alicuius viri probi, si fieri possit, ad suum Monasterium redeat; sin minus extra clausurā in Sacristia, vel alio loco decenti vsq; ad proximum mane cum socio permaneat, sub pœna priuationis ab officio Prælati contra facientibus, aut consentientibus, subditis vērō sub pœna graui per quinque dies, & priuationis vocis, & loci per sex menses imponenda.

4 Nulli ē Frībus nris liceat apud Monasteria Monialiū cuiuscumq; Ordinis vefci, neq; vero in propinquis, aut alijs quibuscumq; locis cibos, qui à Monialibus ad ea loca mittuntur, accipere nisi iusta de causa, & de Superioris Monialium venia. Tunc vērō alia fercula non apponentur nisi eadem, quæ eo die in Refectorio Monialiū apponuntur.

5 Præter Concionatores, & Confessarios suis officijs functuros, nullus ē Fratribus nostris, etiā iter agens, ac transiens per lo-

ca, vbi Monasteria Monialiū, & nō Fratrum habemus, ad earum Monasteria vnquam, accedat sub pœna priuationis ab officio, & vocis actiue, & passiuæ ipso facto incurrenda.

6 Munera quolibet etiam parua à Monialibus ad Fratres, aut à Fratribus ad Moniales mitti prohibemus sub pœna priuationis vocis, ac loci per duos menses.

7 Nullus è Fratribus nostris possit officio Cappellani, aut Vicarij Monialiū fungi, nec ijs de causis aliquibi extra Conuentus nostros habitare.

8 Nullus è nostris Fratribus procurator negotiorum temporalium, quæ ad Moniales spectant, esse possit. Superiores autem ea, quæ charitas exigere videbitur multa cum circumspectione gerant, nec se nimium ijs negotijs implicent.

9 Visitator Monialium tantūmodo ad elausuram visitandam Monasterij, septa ingrediatur, & cetera omnia, quæ iuxta formam Visitatoribus suo loco præscriptam ad suum officium atinent, exterius existens ad cancellos expediat.

*Cap. XXXI. De Pœnis, sigillatimq.  
de pœna leui.*

**Q** Vanquã Fratres nostros amore virtutis potuis, quã pœnæ metu moderari cupimus; quia tamen ab aliquibus minus perfectis per pœnam obtinetur, quod lenitas impetrare non potuit, nonnullas poenas decernere opus est.

1 Pœna levis est, psalmum, vel orationẽ aliquam Superioris tuitu impositam recitare, Fratrum osculari pedes, brachijs, extensis Cruceis figuram representare, genibus flexis ad ianuam Refectorii cum Fratres ingrediuntur, aut egrediuntur, eorum preces postulare.

3 Huiusmodi pœna imponetur ei, qui in Chori officio errorem admiserit, maxime si se non prostrauerit, terramq; fuerit osculatus; ei qui ad communes actus diligenter non accesserit, vel iniuncta ei à communi tabula officia negligenter præstiterit; ei, qui ex professo cum alio Religioso sine venia verba fecerit, vel in locis prohibitis per diem silentium non obseruauerit; ei qui sine venia biberit, ac denique cuius, qui alia similia his commiserit, seu Constitutionem quamecunq. non obseruauerit.

Cap.

*Cap. XXXII. De Pœna media.*

**P**œna media est in Refectorio verberari  
 quamdiu recitatur psalmus De profundis: aliquam ex mortificationibus extraordinarijs exercere; ad Refectorium tergo detecto, ac sensim verberato suppliciter accedere; Crucem, mortuiq; caput in lacera veste, vel alio simili modo in Refectorium deferre; eleemosynam in Refectorio mendicare, & humi sedendo ijs, quæ à Fratribus dantur tantummodo vesci; vino, aut aliquo è communibus cibis relicto humi decumbendo prandere.

2. Hęc pœna imponetur è Choro, vel quouis communi Fratrum cœtu sine Præsidentis venia exeunti; ad Chorum, vel alium communem actum non eunti absq; Superioris permisso; cum secularibus ex professo, vel de rebus inanibus loquenti; interdum in cellam alterius sine venia ingredienti; ieiunio Constitutionum non observanti; denique illi, qui ea, quæ secundum Constitutiones pœna media plectuntur, aut eis similia commiserit. Nullus verò in Capitulo, vel Refectorio nisi Prior, Vicarius, & Supprior quosvis è Conuentu, Magisterq; novitiorum eos, quorum curam gerit verberabit.

## Cap. XXXIII. De Pœna graui.

**P**œna grauis est integrum in pane, & aqua vnius diei ieiuniū accepta in Refectorio disciplina; per nōnullos dies humilibus actibus, quibus sensus repugnet, exerceri; psalmos pœnitentiæ, dum Fratres prœsident, genibus flexis exuto caputio recitare; per dies duos loco, antiquitateq. priuatum, postremum in omnibus locis sedere: pœnam mediam bis sustinere.

**P**œna hæc imponetur Regulæ ieiunium non obseruanti: cellam alterius noctu, vel Superioris absentis quouis tempore sine venia ingredienti; rem quampiam è cella quouis iniussu Prælati accipienti; litteras datæ, vel accipiendi sine Superioris venia; cuiusvis Fratris litteras aperiendi, vel retardandi; De Superioris licetia in oppidum eunti, ibiq. sine illius concessu pernoctanti, cui siquam culpam aliam commiserit, vel suspectus fuerit, pro culpæ modo, pœna imponetur. Denique pœna grauis imponetur ei, qui sine debita nomini diuino veneratione iurauerit, vel culpas iuxta Constitutiones hæc pœna puniendas, vel alias similes admiserit.

**3.** Vniuersas præcedentium capitulum pœnas poterit Prior, vel Vicarius in Capitulo, vel extra illud ordinariè imponere. Et cum.

cum eiusmodi culpæ commissæ fuerint, quibus pœnæ prædictæ sunt assignatæ, pœnâ infliget, nisi malit ipse illam pro reo subire, aut nisi credat alio prudentiore modo illum fore corrigendum, tunc enim eam poterit mutare, vel lenire. At caueat ne forte clementia laxitati viam faciat. Ad leniendam ergo pœnam gravem Discretum primum consulat. Et quamvis vulgò pœnas hic designatas impositurus sit; poterit nihilominus in aliquo euentu pœnam aliam culpæ oppositam, & his, quæ per Constitutionem præfiguntur, æqualem excogitare, & si credat fore utilem eam inferre.

4 Præterea si quis eam culpam admiserit, cui per Constitutiones pœna non decernatur, Prior, seu Vicarius de consilio duorum Discretorum, qui sunt electione antiquiores, remedium provideat: Quoad culpas etiam per Constitutiones præposito, Provinciali, vel Definitorio generali, aut provinciali referuatas, si subitaneum remedium requirant, illud Prior, Vicarius, aut Præsident de prædictorum Discretorum consilio adhibeat, & in utroque euentu statim de rebus Superiores, ad quos punitio pertinet, certiores faciat, sub pœna graui.

## Cap. XXXIIII. De Pœna

grauiore.

**P**œna grauior est in Capitulo vnam disciplinam accipere, & postea in cellam abdiysque ad horam prandij, ac tunc in Refectorium ingredi, humiq; sedentem, pane duntaxat, & aqua refici, datoq. signo in cellam reuerti, atq. d. verbis cum Fratribus abstinere: & præterea eius pœnæ tempore in Chorum non ingredi, sacram Eucharistiam non recipere, voce carere, nulloq. interea officio fungi.

**2** Est etiam pœna grauior, voce, ac loco ultra quindecim dies (citra annum tamen) priuari, & per singulas hebdomadas eius pœnæ mortificatione. ē vnā extraordinariā subire, & feriis sextis pane tantum, & vino uti.

**3** Pœna præterea grauior est, vt in cellam, carceremue ultra quindecim dies, citra tamen annum reus includatur, & eo tempore, si Sacerdos fuerit, Sacrum non faciat, sed in secretiore loco tantummodo audiat, nullusque cum conueniat, nec ipse alium, & tertio quoque die genuflexus ante ostium Refectorij exeuntes, ac intrantes Fratres, vt Deum orent pro ipso deprecetur, humiq; sedens ijs diebus prandeat.



4. **Pœna** deniq. grauior est, vt reus ultra quindecim dies (sed citra annum) habitum, more nouitiorum distinctum gerat, & postremus in Choro, ac Refectorio sedeat, & in Capitulo cū Dñtis, aut nouitijs (si ibi fuerint) se prosternens de culpis se accuset, tribusq. diebus per hebdomadas singulas ad disciplinam se praparet, quā Prior, Vicarius, vel Præsides quoties expedire videbitur, inferet.

5. Hæc pœna inferetur ei, qui in Congregatione præcepto formali sibi, vel omnibus imposito nō obedierit; ei, qui post emissam professionem diuinum officium non persoluerit; de quo fuerit conuictus; et, qui verbo, aut opere proximum absentem, vel præsentem grauitè in fama, vel corpore laeserit; ei, qui aliquod è votis externè violauerit, postquam fuerit conuictus, aut confessus; ei, qui Superiorum officium usurpauerit; ei, qui Prepositi, aut Definitorum generalium, aut Procuratoris generalis, aut Prouincialium litteras ab eis, vel ad eos datas aperuerit, vel retardauerit; ei, qui Cōmunitatis alicuius, vel cuiuspiā officio fungētis sigillum adulterauerit, vel fluxerit; ei denique, qui quouis alia his similia cōmiserit.

6. Pœnas omnes, has Præpositus in tota Congregatione, & Prouincialis in sua Prouincia inferre poterit: sed tam erga eas, quam erga reliquas prædictas, ac subiectas.

das modus, & circumstantiæ, quibûs afficiuntur, ponderentur: Nàm ijs omnibus prudenter collatis minui, aut augeri pro rerum ratione valebunt: Verum de leui aliis quoties correptis, nec resipiscentibus, leuis in mediam, & eadem proportionem media in grauem, grauis in grauiorem, grauior in grauissimam mutetur.

*Cap. XXV. De pœna grauissima, pœnisq; alijs peculiaribus.*

**P**œna grauissima est expulsio à Congregatione, postquam remedia multa prius adhibita iam non prodesse constat; nã si profunt, nemo incorrigibilis censendus, ac propterea nec expellendus est. Hæc pœna à Preposito, ac Definitoribus generalibus imponatur factò rei totius processu, quem Iudices, testesque subscribent, litteræque dimissionis, quibus fides ubique habeatur, expulso dabuntur, scripto processu vigilantè asseruato. Quæ omnia sine secularium commercio fiant, nisi res id ferre nequeat.

Pœna hæc obstinatis, seu correctionis incapacibus inferetur, cuiusmodi sunt ij, quos inferius recensemus. Primum correptionis incapax, obstinatusque putabitur, qui legitime ob culpam mortalem ad grauiorem

uiorem

uiorem pœnam condemnatus, eam ferre ita detrectat, vt tandem pœnæ subijci nolit, qui statim in carcerem detrudatur per tempus à Definitorio prouinciali præscribendum, adhibitis pijs consilijs, & exhortationibus; item ieiunijs in pane, & aqua, & alijs eiusmodi remedijs, quæ si nõ profint, denique à Definitorio generali expellatur. Tam verò carcer, quam huiusmodi remedia, & multiplex charitatis significatio semper expulsionem præcedant.

3 Siquis etiam (quod Deus auertat) fuerit conuictus, aut suspectus vehementer de peccato contra castitatem, trudatur per annum dimidium in carcerem. Si autem eternis notum fuerit, vel si peccatum iterauerit, pœna dupla ei inferatur. Quod si in his duobus euentibus resipuerit, post resipiscientiam, tãtundem temporis voce, ac loco careat, quantum in carcere mansit. Verum tertia vice relapsus, quasi correctionis incapax expellatur.

4 Qui cum scandalo sæcularium semel contra castitatem peccauerit, in carcerem detrudatur per annum, vel etiam longiore tempore, prout Definitorio generali visum fuerit. Expletoque huius pœnæ tempore, voce, ac loco anno vno careat. Superior verò sæculares, qui scandalum passi sunt, vocari faciat, quibus præsentibus eum, qui pec-

cauit, inflictis verberibus corripiat, & in carcerem includi præcipiat. Quod Prælatus semper efficiet, quories seculares scandalum passi sunt. Qui huiusmodi remedijs non respuerit, tanquam incorrigibilis expellatur.

5. Apostata fugitiuus, & quiuis iniussu Prælati & Conuentu recedens, si habitu nostro indutus cum aliquo domesticorum scâdalo exierit, per viginti dies, si cum scandaloso secularium per quadraginta dies in carcerem tradatur: si tamen habitu nostro exutus abierit cum scandalis domesticorum, per quadraginta dies, si cum scandaloso secularium, per octoginta mittatur in carcerem, & Definitorium prouinciale in hoc ultimo euentu consulatur, vt decernat quomodo cum reo procedendum sit, &c.

6. Omnes penas superius in hoc capite expressas, Prior, vicarius, vel Præsidentis executioni mandare incipiet, & statim Prouincialem monebit, præterquam cum apostasia, seu fuga intra octo dies sine scandaloso secularium contigerit. Tunc enim ipse cum primi Discreti consilio remedium providebit. Sed si apostasia, seu fuga ultra octo dies durauerit, vel cum scandaloso secularium acciderit, Prior, Vicarius, vel Præsidentis Definitorium prouinciale (si tunc celebre sit) sin minus Prouincialem statim moneat, vt decernant quandiu, qui fugit, in carcere

detineri, voce, ac loco carere, alijs, ac alijs remedijs exerceri debeat; nec sine illorum iussu reum è carceris custodia liberabit.

7. Qui semel, & iterum fugerit præter pœnas superius expressas, Congregationis antiquitatem amittat, & in posterum a die reditus, ac nouæ receptionis ei cõputetur.

8. Qui tertia vice fugerit, vt nouitius recipiatur, nec vllò antiquitatis iure gaudebit, sed post annum à receptione vltima lapsus eius antiquitas incipiet computari.

9. Verum qui quarta vice fugerit iuxta litteras Pij Quinti tanquam incorrigibilis expellatur.

10. Præterea, si apostata, vel fugitiuus tres menses abfuerint antiquitatem Congregationis amittant, quemadmodum de apostasia secunda decretum est. Si annum integrum abfuerint, quasi nouitij recipiantur, ac si ter apostata fuissent. Si verò vltra annum, Definitorium generale iudicet, an statim sint censendi incorrigibiles, & pro arbitrio suo puniat.

11. Si Congregatio nostra aliquam ob causam expulsos recipere cogatur, ita eos recipiat, vt Fratres clerici voce, ac loco perpetuò careant, & si sint in sacris, ab eorum vsu per sexennium saltem abstineant. Post sexennium autem cum clericis, vt sacris fungantur obseruato emendationis mo-

do

do, à Definitorio generali dispensari poterit. Cum Donatis autem eodem modo agatur respectu.

12. Qui à Congregatione recedunt, etiâsi ad aliam Religionem, præterquam Carthusianorum transeant, præter apostasiam, ipso facto excommunicationem, & infamiam notam incurrunt. Excommunicatioque huiusmodi Præposito, vel eî, cui ille renuissimè commiserit, iuxta litteras Sixti Quinti datas vigesimo septimo Iunii 1587. reservatur.

13. Siquis ad Superiorem quempiam externum à Congregationis correptione appellauerit (quod litteris Sixti Quinti, Gregorij XIII. Clementis VIII. interdictum est) ipso facto à legitimis omnibus Cōgregationis actibus excludatur, & in carcerem conjiciatur; quoadusque post annos tres Definitorium generale iusta de causa dispense, nisi forte intra tres, quatuorve dies ab appellatione destiterit. Quem nihilominus sic resipiscentem volumus officio, voce, ac loco in quavis electione priuari, & cum eo in hac pœna à Definitorio generali, nisi post annos tres, non posse dispensari. Prælati autem, qui pœnam hanc non imponunt, & qui appellantes defendunt, aut inuanti ab officijs deponantur.

14. Siquis lex Definitorij provincialis sententia sine Congregationis graui scandalo

dalo, aut periculo tolerari nequeat, in carcerem conijciatur, ac panis, & aquæ ieiunijs, alijsue pœnis ad culpæ proportionem puniatur. Quoties verò alicui ex Constitutione, vel à Prælatis carceris pœna imponitur, sic accipi debet, vt duobus per hebdomadam diebus, quandiu eam pœnam fert, in pane, & aqua ieiunet, & alias pœnas similiter ferat à Priore pro culparum modo præscriptas.

Quoties quis ex Constitutionibus voce priuatus aſſeritur, ſenſus eſt eum voce tam actiua, quam paſſiua priuari, vt nec eligere, nec eligi poſſit. Priuatus verò loco, poſtremus inter omnes ſui gradus, puta Sacerdos inter Sacerdotes ſedebit, niſi cum Conſtitutio aliud expreſſerit.

### Cap. XXXVI. De Pœna deſiſtionis.

Prælatus quicumque noſtræ Congregationis, ſiquam dignitatem intra, vel extra Congregationem contra votum am- bierit, ab officio deponatur, Fratres verò Donati reſpectiue puniantur. Deponatur etiam quicumque Prælatus, qui peccatum contra votum caſtitaris, aut paupertatis palam commiſerit, aut in eo genere fue- rit vehementer ſuſpectus. Qui negotijs, præſertim ſecularibus ita ſe implicauerit, vt ne- queat

queat officio suo satisfacere, & ea de re ter-  
monitus non resipuerit. Qui ob agritudi-  
nem, aut aliud quoduis impedimentum offi-  
cio suo inutilis fuerit, aut in ijs, quæ ex of-  
ficio præstanda sunt, desidiose admodum,  
magno cum Fratrum detrimẽto processerit,  
Præter ea, quæ dicta sunt deponatur  
Superior quicumq. nostræ Congregationis  
si alicui è nostris Fratribus dignitatẽ quã-  
piam intra, vel extra Congregationem vio-  
lenter, puta iniurijs, promissis, precibus im-  
portunis, dolo, fraude, aut alio modo simili  
obtinere per se, vel per alium curauerit; alij  
vero Religiosi pœna priuationis vocis, ac lo-  
ci arbitrio Definitorio generalis puniantur,  
Deponatur Præpositus, & Prouincia-  
lis, si ob ea, quæ officij proprii sunt, pecuniã  
vel quid pretiosum acceperit; si per se ip-  
sum ten, quatenus illa quæ per Constitutio-  
nes Definitorio generali reseruantur, sine  
Definitorio consensu expedierit, & sic defini-  
ta irrita erũt quod cum eadem pœna depp-  
ositionis æquẽ de Prouinciali sancimus, si ter,  
vel quater expedierit, quæ Definitorio pro-  
vinciali reseruantur. Cum vero Præpositus  
adeo licenter (quod absit) se gesserit, primus  
Definitor generalis præstabit, quod erga eius  
modi culpas Præpositi plecendas hac a. p.  
cap. 12. num. 9. præscribitur. Quod si Pro-  
uincialis in prædicta culpa fuerit, primus



Definitor provincialis Præpositum moneret  
vt Definitorium generale Prouincialem fa-  
cto processu deponat.

4. Definitor ob culpas superius expres-  
sas, & ob Præpositi officium vsurpatum, de-  
ponatur. Si verò litteras Præposito, ac to-  
ti simul Definitorio scriptas semel, & iterum  
aperuerit, pœna grauiore mulctetur, tertia  
tamen vice deponatur, quod æquè de Præ-  
posito sancimus. Definitor quoque provin-  
cialis ob culpas hoc capite expressas, & ob  
Prouincialis officium vsurpatum, & simili-  
ter si litteras Prouinciali, & toti simul Pro-  
uinciarum Definitorio missas ter aperuerit, de-  
ponatur. Quam etiam pœnam feret Prouin-  
cialis si Præpositi officium vsurpauerit, præ-  
dictasq. litteras ter aperuerit.

5. Prior ob culpas omnes hucusque ex-  
pressas deponatur, & præterea, si quem noui-  
tium admiserit in ijs euentibus, in quibus  
(vt secunda parte capite 6. decretum est)  
nullam fieri volumus dispensationem. Si fue-  
rit nimium tepidus in legum & bonarum  
consuetudinum à Cōgregatione probatarū  
curanda custodia. Si in construendo Con-  
uentu descriptionem instructione traditam  
grauiter excesserit.

# DECLARATIONES.



**T** nonnulla, quæ in Constitutionibus ambigua videri possent, proprio sensu omnibus pateant, subiectas Declarationes, quæ vim Constitutionum habeant, addere visum est.

1. Declaramus quoties in Constitutionibus ad aliquid requiritur consensus, vel approbatio Conuentus, suffragatorum, examinatorum, Discretorum, Capituli cuiuscunque & similium sensum esse sufficere partem maiorem, nisi lege aliter exprimatur.

4. In prima parte cap. 5. nu. 2. Declaramus causam idoneam, ut horæ matutinæ aliquando media nocte non dicantur, esse Ecclesiæ consuetudinem, & eam necessitatem, qua Fratres laborant, ob quam certis annidiebus æquum est à laboribus eos recreari. Ac propterea non recitabuntur nocte media matutinæ S. Stephani, S. Ioannis Evangelistæ, Sanctorum Innocentium, S. Thomæ Cantuariensis, & dierum, qui proxime sequuntur Festa Circumcisionis, & Epiphaniæ, dierum trium Paschæ Resurrectionis, trium dierum Pentecostes, & Vigiliæ, quæ præcedit diem Exaltationis Sanctæ Crucis, ac diei sequentis festum B. Matris nostræ Teresiæ. Cum ergo horæ matutinæ iustam ob causam, media

dia nocte omittitur, pridie illius diei Completorium anticipetur, ita ut ante, vel post orationem vespertinam, seu circiter, dicatur: sed expleta recreatione alterum Completorium à duobus saltem Fratribus in Choro recitetur.

4 In eodem cap. 5. num. 3. Declaramus causam idoneam ad prorogandum Completorium aliquanto post crepusculam esse, eo forte die aduenisse Præpositum, Prouincialem, Visitatorem, propriumque Prælatum recenter ingressum, aut post diuturnam absentiam reuersum; causam quoque iustam in studiorum Monasterijs esse in conclusionibus laborasse. In his tamen euentibus recreatio ultra vnam horam non procedat.

5 In cap. 6. num. 7. Declaramus ordinarios Conferarios è nostris absoluere non posse Fratres nostros à censuris incurtis ob apostasiam, & violentam manuum iniectiōem in Clericos, & ob transgressionem præcepti sub pœna excommunicationis, aut alterius censuræ impositi à quouis Congregationis Superiore; Prior vero, & Vicarius quilibet, aut Præsident. apostatas quoslibet in foro interiori absoluere poterit, reseruatam tamen punitione Superioribus ad quos pertinet, quando apostasia excedit eius iurisdictionem.

6 In cap. 9. num. 2. Declaramus iustam causam

causam non obseruandi ieiunium diebus quatuor Natalis Domini, Circumcisionis, & Epiphanię esse toto orbe letam horum dierum solemnitatem. Declaramus etiam quantitatem panis ad collationes in ieiunijs Regulę vniciuiq; apponendam, esse quatuor, vel quinque, in ieiunijs vero Ecclesię, duas circiter uncias. Declaramus deniq; in collationibus ieiuniorum Ordinis, panem posse apponi oleris, fructuumue quantitatem modicam: in Ecclesiasticis vero loco panis pomum aliquod, vel fructuum aliorum æqualem panis quantitatem apponi posse.

7 In eodem cap. num. 3. Vbi frugalitas commendatur, Declaramus solitum cibum, de quo ibidem agitur, quando non ieiunatur, esse vnum pulmentum in prandio, & vñ ferculum, vel eius vice pulmentum alterum, quando vero ieiunatur adiungi posse alterum ferculum, quibus omnibus fructuum, vel olerum quippiam (si suppetat) solet apponi. In cœna vero declaramus cibum solitum esse vnum tantummodo ferculum, vel eius loco vnum pulmentum, cui fructus aliquis, vel acetarium, vel herba coctæ adiungi solent. Declaratio hæc, sicut & Constitutio allegata, non excludit morem introductum, iuxta quem Prælati aliquibus diebus solemnibus iusta de causa victui ordinario aliquid addere consueuerunt.

In

8 In eodem cap. num. 5. Declaramus posse Priorem interdum, sed valdè raro, extra Refectoriũ in locum alium ad prandiũ, cœnam, vel collationẽ Fratres omnes conuocare: pœnam tamen grauem subeat, qui frequenter hoc egerit.

9 In cap. 16. Declaramus tempore ac loco, quo Fratres a labore extraordinariè recreantur, permitti posse aliquod genus honesti ludi, qui ad valetudinem aliquo exercitio corporali prodesse possit.

10 In cap. 19. Vbi hospitalitas commendatur. Declaramus, ne hospitalitatis prætextu vitę licentia serpat, non esse admittendos, et si admissi fuerint, statim eijciendos apostatas, & fugitiuos, & quoscumq. alios quauis etiã prælatione, vel officio insignes, etiam è nostris, qui communi, ac regulari vitę damnũ aliquod afferant. Hospites verò è Fratribus nostris, qui Sacerdotes fuerint, quotidie pro Conuentu Sacrum faciant.

11 Circa cap. 6. secundæ partis num. 1. Declaramus hereticos, qui nationales dicuntur, quia scilicet à parentibus hæreticis, & in hereticorum terris nati sunt, post tres annos à cõuersione, si in fide sine relapsu perseuerauerint, in Congregatione nostra admitti posse, quod pariter de schismaticis decernimus. In aliquo tamen graui casu Præpositus ante tres annos dispensare poterit.

12. In cap. 8. ead. sec. par. num. 1. Declaramus tres illas nouitiorum propositiones fieri debere quarto, octauo, & decimo sui anni mense, ita vt ipsos res lateat.

13. In cap. 9. num. 1. Declaramus voto non ambiendi officia Præpositi, Definitoris, Prouincialis, Visitatoris, Procuratoris generalis, Prioris, Vicarii canonice electi, socijque Capituli generalis, & Capituli prouincialis, & non alia includi; ipso vero ambiendi verbo actus externos ambitionis cum de liberatione procedentes intelligi.

14. Circa cap. 7. tertiæ partis, Declaramus eum Religiosum antiquiorem alio esse, qui primus quam alius in eodem Conuentu professionem emittit, etiam si uterque eadem hora profiteatur: inter eos verò, qui in diuersis Conuentibus profitentur, declaramus eos æquales esse, qui eodem vnus diei mane profitentur; & similiter, qui eodem vespere professionem emittunt; tamen inter duos, qui seu mane, seu vesperi profitentur, aliquantum spatii à professione vnus, vsque ad professionem alterius intercedat; inter quos tamen, qui est ætate maior, erit loco prior.

15. Cap. 10. eiusdem partis num. 6. circa verba illa (quæ ad gubernationem pertinent) Declaramus gubernationis nomine intelligi debere actus proprios, & auctoritatē Capituli

Capituli generalis, & prouincialis, & Definitorij generalis, & prouincialis numerum, & durationem Definitorum, Prælatorum, hoc est, Præpositi, Vicarij generalis, Prouincialis, & Vicarij prouincialis, Prioris, Vicarij Conuentus caronice electi, officia, casuum Capitulo generali, & prouinciali, ac Definitorio generali, & prouinciali referuatorum expeditionem.

16 Declaramus quoties per aliquam Constitutionem nostram imponitur pena ipso facto incurrenda, intelligi debere post iudicis sententiam.

17 Declaramus eos, qui ob quorumuis Prælatorum nostrorum mortem, depositionem, vel infirmitatem, vel quamlibet aliam causam eliguntur ad eas Prælationes, vel officia, tempore intermedio, quod ab vno in aliud Capitulum labitur, assumi posse, in Capitulis proximè sequentibus ad easdem Prælationes, & officia, per electionem ordinariam maioris partis suffragiorum.

18 Constitutiones has denuò relectas, & aliquibus in locis correctas, & auctas Patres Capituli generalis, in Conuentu S. Siluestri in Tusculano mense Maio, anno 1611. celebrati, concorditer acceptarunt.

F I N I S .



Gg 2

Nos Dominicus Episcopus Ostien. Cardinalis Pinellus Confirmamus, ac approbamus has Constitutiones ad Dei gloriam, ac bonum regimen Congregationis.

Dominicus Episcopus Ostien. Cardinalis Pinellus Protector.



INDEX  
**CAPITVLM**

**PRIMAE PARTIS**

**CONSTITVTIONVM.**



Cap. 1.	<b>D</b> E Obedientia. pag. 14
Cap. 2.	De Castitate. 16
Cap. 3.	De Paupertate. 17
Cap. 4.	De Oratione men- tali. 22
Cap. 5.	De officio diuino. 23
Cap. 6.	De sacris confessionibus. 25
Cap. 7.	De Eucharistie Sacramento. 27
Cap. 8.	De examine conscientie, ac discipli- na. 29
Cap. 9.	De Ieiunio, & mensa frugalitate. 30
Cap. 10.	De Fratrum indumentis. 32
Cap. 11.	De Silentio. 35

**Cap. 12. De otio vitando, & cellarum recessu.** 37

**Cap. 13. De modo quoad exitum è Claustro.** 38

**Cap. 14. De vita Communi, ac regulari.** 42

**Cap. 15. De ordine, ac sedibus Fratrum.** 44

**Cap. 16. De honesta Fratrum recreatione.** 45

**Cap. 17. De suffragijs pro Defunctis.** 46

**Cap. 18. De charitate erga infirmos.** 50

**Cap. 19. De hospitalitate.** 52

**Cap. 20. De sacris concionibus & Sacramenti Pœnitentie ministerio.** 54

**Cap. 21. De Capitulo Conuentus, & quotidiana correptionis charitate.** 57

# SECUNDAE PARTIS CONSTITVTIONVM.

Cap. 1. **D**E fundatione, ac diuersitate  
Conuentuum, ac numero Fra-  
trum. 3

Cap. 2. De templorum ornata, & sacris ve-  
stibus. 5

Cap. 3. De Conuentu ubi nouitij sunt edu-  
candi. 7

Cap. 4. De Fratrum Donatorum receptio-  
ne, & educatione. 9

Cap. 5. De nouitiorum examine receptioni  
premittendo. 11

Cap. 6. De nouitiorum educatione. 16

Cap. 7. De nouitiorum approbatione. 17

Cap. 8. De professione emittenda, & profes-  
sorum spirituali profectu. 21

Cap. 9. De Eremit Monasterijs, ac eorum so-  
ne. 23

Cap. 10. De peculiaribus Eremit actibus er-  
ga orationem, officiumq; diuinum. 26

Cap. 11. De alijs ritibus Eremit, quoad tem

<i>perantiam silentium, &amp; recessum.</i>	27
<i>Cap. 12. De Eremitis, ac eorum cellis.</i>	29
<i>Cap. 13. De Spiritualibus collationibus.</i>	30
<i>Cap. 14. De Conuentibus studiorum.</i>	32
<i>Cap. 15. De litterarum exercitijs, quae in Conuentibus studiorum fieri debent.</i>	34
<i>Cap. 16. De Conuentu Missionum.</i>	37

## TERTIAE PARTIS CONSTITVTIONVM.

<i>Cap. 1. DE Capitulo generali.</i>	3
<i>Cap. 2. De precibus pro felici Capitu- li generalis exitu fundendis, &amp; de Ca- pituli initio.</i>	5
<i>Cap. 3. De Praepositi electione.</i>	8
<i>Cap. 4. De electione Definitorum genera- lium, &amp; Procuratoris generalis.</i>	11
<i>Cap. 5. De Constitutionibus, &amp; ordinatio- nibus.</i>	15
<i>Cap. 6. De alijs actibus Capitulo reservatis.</i>	20
<i>Cap. 7. De ratione ferendi suffragia.</i>	21
<i>Cap. 8. De Capitulo sine, ac electionum con- firmatione.</i>	25
<i>Cap.</i>	

- Cap. 9. De *Visitatione Præpositi, ac Definitorum, & Procuratoris generalis.* 26
- Cap. 10. De *officio, & auctoritate Præpositi.* 28
- Cap. 11. De *officio Definitorum generalium.* 30
- Cap. 12. De *Definitorio generali, & eius auctoritate.* 32
- Cap. 13. De *Procuratoris generalis officio.* 38
- Cap. 14. De *erectione, & gubernatione Prouinciarum.* 39
- Cap. 15. De *Capitulo prouinciali.* 41
- Cap. 16. De *Prouincialis, & Definitorum prouincialium electione.* 44
- Cap. 17. De *Socijs ituris ad Capitulum generale, & Priorum electione.* 46
- Cap. 18. De *Statutis, siue Ordinationibus.* 53
- Cap. 19. De *alijs actibus Capitulo prouinciali reseruatis.* 54
- Cap. 20. De *Capituli prouincialis sine, & electionum confirmatione.* 55
- Cap. 21. De *Visitatione Superiorum, & electione Magistri nouitiorum, Suppriorum, primiq. singulorū Conuentuum Discre-*

<i>Secreti.</i>	56
Cap. 22. De officio & auctoritate Prouincialis.	58
Cap. 23. De officio Definitorum Prouincialium.	60
Cap. 24. De Definitorio prouinciali, eiusq; auctoritate.	61
Cap. 25. De Prioris officio.	63
Cap. 26. De officio Supprioris.	65
Cap. 27. De officio socij ituri ad Capitulum prouinciale, eiusq; electione.	66
Cap. 28. De officio Discretorum, bonorumq; Conuentus custodia.	69
Cap. 29. De Visitatoris officio.	73
Cap. 30. De regimine, ac visitatione Monialium.	77
Cap. 31. De pœnis, sigillatimq; de pœna leui.	80
Cap. 32. De pœna media.	81
Cap. 33. De pœna graui.	82
Cap. 34. De pœna grauiore.	84
Cap. 35. De pœna grauissima, pœnisq; alijs peculiaribus.	86
Cap. 36. De pœna Depositionis.	91
Declarationes.	94



ROMAE,  
Ex Typographia Gulielmi Faciotti  
MDCXI.

---

*Superiorum permissu .*



ROMAE,  
Ex Typographia Gulielmi Fascioli  
MDCXI.

---

*Superiorum permissu.*





R.  
FINE

